












漢魏六朝正史文選序

史文未有選者選之始自

此集夫史者國典之所存

也而文華傳之傳於史者





有二有史之文有史所載  
之文風采見於點綴議論  
行於敘述此史之文也公  
朝之言因事以顯私門之



撰托人以傳此史所載之  
文也史文惟班氏前漢獨  
分史公之長雖雄奇詳贍  
致有不同而引情切事風



言月二  
流未泯自此以降敷敘而  
已獨所載之文史不絕篇  
覽乎斯傳如見其世宏放  
之章激風峙氣幽沉之思



折理分肌藻績之作爭妍  
敵秀實各一時之致也此  
集本自兩漢中閱魏晉橫  
騫南北以訖于隋陟降千



祀羅文如干柳可謂好古  
篤志潛深者之業與昔昭  
明之書名同文選兼取詩  
賦多與宮寮互有商榷猶



取舍未衷體例無據見譏  
有失雖曰譏之久而竟傳  
至今不廢則豈非其用心  
之勤哉雖然是亦有唐六



君子之力也假令無李君  
之宏覽五子之通明選卽  
高後之學者孰能讀之然  
則此一書者將必有大雅





君子焉閔其勤心出而假  
之重者殆以久近卜之耳  
成是選者凡三人倡其指  
者爲勾章陳廣生廣生外



溫而內栗學富而行高此  
吾鄉顧觀生以特立不群  
之士呼清胤而相求千里  
者也



青霞城許譽卿題





八

夫

金

第



序

今之學者類能好古哉雖  
然專家之業吾無取焉夫  
以有限之才性涉無窮之



紀載卽欲不專勢有未可  
非曰好之此其情也如能  
各循其材力之致流觀于  
大勢所存庶可以不此之



病矣夫反子而有經廣經  
而有史三者之目皆專也  
就史之中又執其一而攻  
治焉專斯固矣三子者憂



之漢魏六朝之選于是有  
成也夫選者致美之事也  
而文之著于史者則又其  
爛然者也蓋一代之史類



非一家所就一時所成或  
伏膺王命編于蘭臺芸閣  
或側目時邪筆于暗室私  
庭大率前處其瘁後踐其



名籍而有之遂居上耳然  
作者既衆歷時且長彼人  
事之是非當以益明此篇  
章之登落亦爲加審而比



文者卒用不替斯爲爛然  
故可以見况又加之今選  
採以介夫之明悟定以廣  
生之沉詳制以觀生之嚴



斷者乎夫史卽一家上下  
千載變亦殆窮將畢之所  
謂體大而思精不在此與  
吾師霞翁先生剛風清尚



激烈

兩朝砥礪當世介夫世兄挾

不世之才存矯俗之慮又


以如此復爲先生其將何



疑

通家社弟臨川陳際泰

書





序

夫史之爲學其義博矣遠者推步天地體驗陰陽追  
測星緯考詳災福次則禮制繁省法禁寬威溝渠之  
興廢錢布之通塞州郡有建革職官有除設四夷叛  
服去來九域山川阨塞又甚重者也若廼聖仁雄察  
之君嘉猷善教深策遠圖淫昏庸劣之嗣慙慙童昏  
狂情虐政忠臣孝子之心亂臣賊子之膽家國是以  
興亾倫教所繇扶滅抑皆其大者焉至夫夸士逸人  
死權徇性貞女哲婦蹈義極情勝敗得失用兵在機



月  
先後洩密處勢尚術事可省循罔非矯鑒學者取此  
明理數通往來昭據治亂審適邪正益智達權立體  
足用平常無擾于心馳驟不疑于措故足樂也夫豈  
徒以文哉文之著于史者類因事以見情亦卽言而  
觀行用有紀也然而賢人君子抱奇才負高意宏覽  
今昔包彙天人蘊仁義之姿懷慷慨之烈言語未階  
無以自見其志文華不顯亦何繇獨昌其盛者與繇  
是而言文亦誠重竊因讀史之餘間與一二同心私  
自商畧以爲太史公舉左右二史合爲一書條有兼



貫理無孤廢如其載實呂氏東萊有詳節一書迨乎  
近世亦有趙氏讀史之編事則就約言未加裁疑有  
闕焉爰茲三餘相爲編帙探史十二哀文數百歷世  
旣久盛衰覩焉且夫文之難論也古人喻諸權衡銖  
量所移俯仰有反區區此書成于三人之手定于旬  
月之間取舍烏擇其衷紕漏曷逃于刺者哉然而爲  
文之大智則固可以悟也在漢之初先王典籍灰滅  
無餘雖有遺文往往間出時所稱述本諸口授或自  
傳聞行事之迹遠不過義禹立詞之則明不踰六經



然能奪其奇氣發其憤思晤言寢食于聖賢之世貫  
穿馳騁乎情理之途辨其疑似析入毫芒用以思窮  
造化筆落鬼神凡自今之觀所爲高不可攀化不可  
測者乃當日之率意而然以拙自慚不自掩飭者也  
方是之時何其盛焉及乎事與世爭文隨世薦取資  
漸多凋刻漸巧文乃益下變乃益窮當其自命之日  
念每取高古人及乎意盡之餘才廼不逮作者又何  
劣也此無他前人自用後人徇人前人致虛後人致  
實前人尚理後人尚詞前人取氣後人取情前人居



明後人居晦前人役人以從已後人舍已爲人役前人運實以致虛後人引虛而就實前人引詞而達其理後人掩理而障于詞前人養氣以盛其情後人放情以喪其氣前人惟恐人之不我了故言過而思留後人惟畏人之速我知故辭白而味竭然則智與不智之概從是可以畧考矣若夫史固不盡乎文而選又何足以盡史史之文又何足以盡史之意哉君子之有意于此者徒觀夫兩漢之世去古最邇魏晉以降風流彌繁周隋之先荒慙特甚云爾蓋自是而起



—



凡例

史筆莫高子長舍史而始漢者何從所載也班氏  
所收富于馬也其歷魏而包譽六朝者何時所好  
也時之所向或在專家亦流華濫兼理衆長微存  
體質竊所庶幾

文格類繁條爲四目王者之言則爲詔令后太子  
附之自上下也群臣所陳則爲奏議對策附之自  
下上也相守移教幕寮箋記家門撰述若序若論  
爲公爲私併名雜著雜然不定之謂也史臣論贊



或先篇以引事則有序或後篇以斷義則有論班氏開雅時錄史公奇姿未泯范詹事別開門戶字不虛設目溢心依並無忍廢然作者之身旣隔異代亦懸數朝難可抑從隨附本史是爲史論云爾讀書之家高者食氣卑者餽糟然苟曰學之不能無以自來君子故自有學小人未必無才不審而從誣悖不經貽笑何底近時名輩集中有用頌莽之詞入序贊人者若斯之累其可殫詳姦僞之文槩從不取將以慎所繇焉



孝武以聖人之才中天特起罷黜百氏章表六經  
故應之者衆運則使然非力所及後漢文不勝質  
魏氏實愧其名京洛大有清裁江左浸于浮麗中  
原淪彼鶚音以斯爲陋雖作者之家從道汙隆而  
選者之手與時扶抑敢云盡美實所殫心

詩賦銘誄並則稱文原本非異揆體終分當爲別  
集與之相副

劉氏七畧集在其間循集則有遺人循史亦虞文  
缺嗣卽旁採衆家網羅諸美名爲集選以期完善



勾章陳 裕廣生

同紀

雲間許清胤介夫



漢魏六朝正史文選

總目

漢書卷之一

詔令

高帝 二首

呂皇后 一首

文帝 十五首

景帝 六首

武帝 十四首

昭帝 一首

宣帝 四首

元帝 八首

成帝 三首

哀帝 一首

平帝 一首



奏議

奏議

韓信 一首

賈山 一首

賈誼 二首

漢書 卷之三

奏議

鼂錯 四首

南越王佗 一首

冒頓單于 一首

董仲舒 四首

公孫弘 一首

廷尉信 一首



有司 一首

漢書 卷之四

奏議

魏相 二首

王父偃 一首

嚴安 一首

吾丘壽王 一首

終軍 一首

梅福 一首

霍光 一首

張敞 一首

路溫舒 一首

蕭望之 一首

趙充國 一首

有司 一首



貢禹 一首

劉向 三首

匡衡 三首

韋玄成 一首

翼奉 一首

谷永 三首

師丹 一首

王音 二首

翟方進 一首

平當 一首

賈讓 一首

李尋 一首

王嘉 二首

鮑宣 一首

毋將隆 一首

楊雄 一首

漢書 卷之五



雜著

婁敬

一首

薄昭

一首

鄒陽

一首

枚乘

一首

王吉

一首

司馬相如

三首

劉歆

一首

杜欽

一首

杜鄴

一首

賈誼

一首

東方朔

二首

漢書

卷之六

史論



序

九首

贊

十首

後漢書

卷之七

詔令

光武帝

七首

明帝

四首

馬皇后

一首

章帝

四首

和帝

一首

鄧皇后

二首

後漢書

卷之八

奏議

諸將

一首

竇融

一首



朱浮 一首

杜詩 一首

鄭興 一首

魯丕 一首

馮衍 一首

朱勃 一首

賈逵 一首

袁安 一首

陳寵 一首

何敞 二首

班超 一首

張衡 一首

蔡邕 一首

李固 一首

陳蕃 一首

竇武 一首

楊賜 一首

孔融 一首



後漢書 卷之九

雜著

鄧禹

一首

方望

一首

竇融

一首

馬援

一首

孔融

一首

袁紹

一首

班彪

一首

王符

一首

仲長統

一首

臧洪

一首

崔寔

一首

荀悅

一首

延篤

一首

班固

一首



曹世叔妻 一首

後漢書 卷之十

史論

序 三首

論 二十五首

三國志 卷之十一

魏志 詔令 奏議

雜著

武帝 五首

文帝 七首

明帝 二首

齊王 一首

高貴鄉公 二首

陳留王 一首



夏侯玄 一首

崔琰 一首

王朗 三首

王肅 一首

董昭 一首

蔣濟 一首

杜恕 二首

高堂隆 一首

王昶 一首

王基 一首

鍾會 一首

劉廙 一首

曹冏 一首

傅玄 一首

三國志 卷之十二

蜀志 詔令 奏議

雜著



先王 一首

諸葛亮 四首

譙周 一首

吳志 詔令 奏議 雜著

吳王 四首  
孫休 一首

周瑜 一首  
華覈 一首

諸葛恪 二首  
韋曜 一首

晉書 卷之十三

詔令

武帝 七首  
元帝 三首



明帝 一首

成帝 一首

康帝 一首

褚皇后 二首

簡文帝 一首

安帝 一首

晉書 卷之十四

奏議

景帝 二首

羊祜 二首

杜預 二首

王渾 一首

劉頌 二首

傅玄 一首

荀勗 一首

裴頠 一首



劉毅 一首

庾峻 一首

江統 一首

摯虞 一首

劉琨 二首

熊遠 一首

王導 二首

庾亮 一首

蔡謨 一首

晉書 卷之十五

雜著

阮籍 一首

稽康 二首

孫楚 一首

傅咸 一首



摯虞 一首

趙至 一首

虞溥 一首

溫嶠 一首

劉寔 一首

潘民 一首

王坦之 二首

韓伯 一首

習鑿齒 一首

于寶 一首

劉伶 一首

陸機 二首

潘岳 一首

王羲之 一首

袁宏 一首

晉書 卷之十六

史論

序 五首

論 十一首

宋書卷之十七

詔令 奏議 雜著 史論

武帝 四首

文帝 四首

孝武帝 六首

明帝 二首

王弘 二首

謝晦 一首

羊言保 一首

裴和之 一首

范泰 二首

王僧達 一首



周朗

一首

江敷

一首

袁豹

一首

孔琳之

一首

臧燾

一首

范曄

一首

王微

一首

傅亮

一首

鮑照

一首

序

四首

論

八首

南齊書

卷之十八

詔令

奏議

雜著

史論

高帝

二首

武帝

二首

明帝 二首

王儉 一首

王融 二首

孔稚圭 二首

褚淵 一首

謝朓 一首

陸厥 一首

張融 二首

顧歡 一首

劉祥 一首

論 四首

梁書 卷之十九

詔令 奏議 雜著 史論

武帝 七首

簡文帝 一首



元帝 六首

昭明太子 二首

任昉 三首

賀琛 一首

虞疇 一首

蕭介 一首

王僧辨 二首

徐陵 一首

高祖 一首

王僧孺 一首

丘遲 一首

張充 一首

劉峻 四首

劉勰 一首

范縝 一首

劉敞 一首

阮孝緒 一首

論 三首

陳書卷之二十

詔令 奏議 雜著 史論

武帝 二首 文帝 一首

宣帝 一首 後主 六首

徐陵 三首 宗元饒 一首

沈文阿 一首 沈不害 一首

江總 一首 何之元 一首

論 一首

魏書卷之二十一



詔令 奏議 雜著 史論

道武 一首 明元 一首

大武 二首 文成 二首

獻文 二首 孝文 六首

宣武 四首 明帝 四首

出帝 一首 元雍 一首

孫紹 一首 蕭寶寅 一首

張彞 一首 崔光 一首

辛雄 一首 元遙 一首

張晉惠 二首

楊恭之 一首

王椿 一首

韓延之 一首

元熙 一首

高允 一首

常爽 一首

房景先 一首

傳序 三首

北齊書 卷之二十二

詔令 奏議 雜著 史論

文宣 二首

樊遜 五首

刁柔 一首

中山王 一首



王稀 一首

朱瑞 一首

祖鴻勳 一首

傳序 二首

周書卷之二十三

詔令 奏議 雜著 史論

文帝 一首

閔帝 一首

明帝 一首

武帝 三首

宣帝 一首

靜帝 一首

蘇綽 六首

庾信 一首

序 一首

論 十首

隋書 卷之二十四

詔令 奏議 雜著 史論

高祖 六首 煬帝 二首

柳昂 一首 牛弘 一首

長孫晟 一首 柳彧 一首

李諤 一首 皇甫績 一首

豫章王 一首 薛道衡 一首

許善心 一首 論 五首

序 四首



漢魏六朝正史文選

漢魏六朝正史文選總目

終

漢魏六朝正史文選卷之一

目錄

漢書

詔令

高帝

上太公尊號詔

求賢詔

呂皇后

廢少帝詔

文帝

不允立太子詔



賜南粵王佗書

賑貸詔

遣列國之國詔

日食詔

除誹謗妖言法詔

除肉刑令

勸農詔

置孝弟力田詔

增祀無祈詔

賜鼂錯璽書

佐百姓詔

匈奴和親詔

遺匈奴書

遺詔

景帝

定文帝廟樂詔

徙民詔

讞獄詔



令二千石修職詔

重廉士詔

勸農桑詔

武帝

復高年子孫詔

策賢良詔

策諸儒制

議不舉孝廉者罪詔

赦天下詔

勸學詔

遣博士循行詔

賜廣陵王策

賑江南饑詔

賜卜式詔

報石慶

下州郡察取異材茂等詔

報胡建制

報李廣



昭帝

舉賢良文學高第詔

宣帝

首匿勿坐詔

二千石察官屬詔

報張安世

下群臣詔

元帝

恤民詔

陰陽錯繆詔

日食詔

報貢禹

日食下公卿詔

徵周堪詔

初陵勿置縣邑詔

禁證案不急詔

成帝

順時詔



舉賢詔

禁奢僭詔

哀帝

日食詔

平帝

勿陳赦前詔

漢魏六朝正史文選卷之一

目終

漢魏六朝正史文選卷之二

目錄

漢書

韓信

諸侯上尊號疏

賈山

至言

賈誼

諫民私鑄錢

治安疏



漢魏六朝正史文選卷之二

目終

漢魏六朝正史文選卷之三

目錄

漢書

奏議

鼂錯

勸上教太子以術數書

上言兵事

言當世急務

復言塞下

南越王佗

去帝號書



海虞六朝正史文選

冒頓單于

遺文帝書

董仲舒

賢良對策一

賢良對策二

說上限民名田

火災對

公孫弘

賢良對策

廷尉信

吏坐賊議

有司

不舉孝廉者議

漢魏六朝正史文選卷之三

目終



漢書卷之六十一 地理志

目

--	--	--	--	--	--	--	--

漢書 卷之一

許清胤介夫

唐國棟隆吉

雲間

顧在觀觀生輯評

顧之萃宗之叅訂

慈水陳 裕廣生

陳 祐天生

高帝

沛豐邑中陽里人姓劉秦二世元年衆立爲沛公三年入秦漢五年斬羽東城卽皇帝位

上太公尊號

六年五月上五日一朝太公太公擁彗迎門卻行上大驚下扶太公

太公曰帝人主奈何以我故亂天下法於是詔曰

詔曰人之至親莫親於父子故父有天下傳位於子子有天下尊歸於父此人道之極也前日天下大亂



漢書  
兵革竝起。萬民苦殃。朕親披堅執銳。自帥士卒犯危  
難。平暴亂。立諸侯。偃兵息民。天下大安。此皆太公之  
教訓也。諸王通侯將軍羣卿大夫已尊朕爲皇帝。而  
太公未有號。今上尊太公曰太上皇。

秦始皇追尊莊襄爲太上皇。皇帝之稱已襲秦故  
此號當於汜水卽位之日不後於皇后皇太子之  
尊矣。逾年以久。卻行而動。分羹猶可言權。此則其  
根心者然已。

高帝

求賢詔

十一年  
二月

蓋聞王者莫高於周文，霸者莫高於齊桓，皆待賢人而成名。今天下賢者智能，豈特古之人乎？患在人主不交故也。士奚由進？今吾以天之靈，賢士大夫定有天下，以爲一家，欲其長久，世世奉宗廟，亾絕也。賢人已與我共平之矣，而不與吾共安利之，可乎？賢士大夫有肯從我遊者，吾能尊顯之。布告天下，使明知朕意。御史大夫昌下相國，相國、郡、侯、下諸侯王、御史中



執法下郡守。其有意稱明德者。必身勸爲之。駕遣詣相國府署行義年。有而弗言。覺免。年老癯病。勿遣。詔書如此。而士未之前。真有如商山老所。言不可以虛詞致也。

高后

呂氏生惠帝佐高祖定天下惠帝卽位無子取後宮美人子名之以爲太子惠帝崩太子立年

幼太后臨朝稱制

廢少帝詔

四年少帝自知非皇太子出怨言太后幽之永巷

詔曰凡有天下治萬民者蓋之如天容之如地上有驩心以使百姓百姓欣心以事其上驩欣交通而天下治今皇帝疾久不已廼失惑昏亂不能繼嗣奉宗廟守祭祀不可屬天下其議代之

於是羣臣頓首奉詔皇太后爲天下計所以安宗廟社稷甚深吁漢無人於斯爲極呂氏才術過人



亦繇可見

文帝

高帝中子也立為代王高后崩諸呂謀亂丞相陳平等共誅之立代王

不允立太子詔

元年正月有司請早建太子所以尊宗廟也

詔曰朕既不德上帝神明未歆饗也天下人民未有

慝志

慝音篋滿也

今縱不能博求天下賢聖有德之人而

嬪天下焉而曰豫建太子是重吾不德也謂天下何其安之

是謙讓亦是權術謙讓是假權術是真





文帝

賜南粵王佗書

元年初鎮撫天下使告四夷代來卽位意諭盛德焉

賜佗書曰。皇帝謹問南粵王。甚苦心勞意。朕高皇帝側室之子。棄外。奉北藩于代。道里遼遠。壅蔽樸愚。未嘗致書。高皇帝棄群臣。孝惠皇帝卽世。高后自臨事。不幸有疾。日進不衰。以故諄暴乎治。諸呂爲變。故亂法。不能獨制。廼取宅姓子。爲孝惠皇帝嗣。賴宗廟之靈。功臣之力。誅之已畢。朕以王侯吏不釋之故。不得不立。今卽位。乃者聞王遺將軍隆慮侯書。求親昆弟。



請罷長沙兩將軍。朕以王書罷將軍博陽侯。親昆弟在真定者。已遣人存問。修治先人冢。前日聞王發兵於邊。爲寇災不止。當其時。長沙苦之。南郡尤甚。雖王之國。庸獨利乎。必多殺士卒。傷良將吏。寡人之妻。孤人之子。獨人父母。得一亡十。朕不忍爲也。朕欲定地。大牙相入者。以問吏。吏曰。高皇帝所以介長沙土也。朕不能擅變焉。吏曰。得王之地。不足以爲大。得王之財。不足以爲富。服領以南。王自治之。雖然。王之號爲帝。兩帝並立。亡一乘之使。以通其道。是爭也。爭而不

讓仁者不爲也。願與王分棄前患。終今以來通使如故。故使賈馳諭告王。朕意王亦受之。毋爲寇災矣。上褚五十衣。中褚三十衣。下褚二十衣。遺王。以綿裝衣曰褚。願王聽樂娛憂。存問鄰國。

只高皇帝側室之一語不自諱。陋忠信篤敬足以行蠻貊有餘矣。



計繼解亦猶矣

只高皇帝順室之一請不自新而忠計新廷其以

王。離。樂。致。要。各。開。機。因。

高皇帝所以有長沙王也

濟王十元中爵三十元不爵二十元世王

宋曰爵以爵世

效。效。效。買。賜。館。音。王。知。意。王。亦。受。之。其。為。家。族。矣。十

題。之。其。不。為。也。祿。與。王。今。棄。諸。患。然。今。以。來。臣。等。收

文帝

賑貸詔

元年三月

詔曰、方春和時、草木群生之物、皆有以自樂而吾百姓鰥寡孤獨窮困之人、或陷於死亡、陷音檐近邊而欲墮之意莫之省憂、爲民父母、將何如其議、所以賑貸之、卽位未久、汲汲於民、可謂知本、識要之君矣、

漢書

詔





文帝

遣列侯之國詔

二年冬十月

詔曰朕聞古者諸侯建國千餘各守其地以時入貢民不勞苦上下驩欣靡有違德今列侯多居長安邑遠吏卒給輸費苦而列侯亦無繇教訓其民其令列侯之國爲吏及詔所止者遣太子

文帝自代來寒心銷志功臣騁驚京師非其好也防甚深遠詞甚婉約不動聲色措於泰山矣





文帝

日食詔

二年冬十一月癸卯朔日有食之

詔曰朕聞之天生民爲之置君以養治之人主不德布政不均則天示之災以戒不治乃十一月晦日有食之適見于天災孰大焉朕獲保宗廟以微眇之身託于士民君王之上天下治亂在予一人唯二三執政猶吾股肱也朕下不能治育羣生上以累三光之明其不德大矣令至其悉思朕之過失及知見之所不及旬以啓告朕

旬音蓋乞也

及舉賢良方正能直言極



諫者以匡朕之不逮。因各敕以職任。務省繇費。以便民。朕既不能遠德。故憫然念外人之有非。

憫。寢視不安貌也。

是以設備未息。今縱不能罷邊屯戍。又飭兵厚衛。其罷衛將軍軍。軍太僕。見馬遺財足。餘皆以給傳置。

乞言求士。課官卹民。省衛減從。庶幾乎應天不以文者矣。

文帝

除誹謗詆言法詔

二年五月

詔曰古之治天下朝有進善之旌誹謗之木所以通治道而來諫者也。今法有誹謗詆言之罪是使衆臣不敢盡情而上無由聞過失也將何以來遠方之賢良其除之民或祝詛上以相約而後相謾吏以爲大逆其有他言吏又以爲誹謗此細民之愚無知抵死朕甚不取自今以來有犯此者勿聽治

此文皇帝克己之學真聖主也





文帝

除肉刑令

十三年 齊太倉令淳于公有罪當刑少女緹縈上書贖父天子悲憐其

意遂

下令

制詔御史蓋聞有虞氏之時畫衣冠異章服以爲戮而民弗犯何治之至也今法有肉刑三

黥劓剕左右趾

不止其咎安在非乃朕德之薄而教不明與吾甚自愧故夫訓道不純而愚民陷焉詩曰愷弟君子民之父母今人有過教未施而刑已加焉或欲改行爲善而道亾繇至朕甚憐之夫刑至斷支體刻肌膚終身



不。息。何。其。刑。之。痛。而。不。德。也。豈。稱。爲。民。父。母。之。意。哉。  
其。除。肉。刑。有。以。易。之。

唐虞所用文帝所除賢于堯舜可矣

文帝

勸農詔

十二年  
三月

詔曰。道民之路。在於務本。朕親率天下農。十年于今。而野不加辟。歲一不登。民有飢色。是從事焉。尚寡。而吏未加務也。吾詔書數下。歲勸農種樹。而功未興。是吏奉吾詔不勤。而勸民不明也。且吾農民甚苦。而吏莫之省。將何以勸焉。其賜農民今年租稅之半。咨嗟慨惻。噫嘻。昭格。何以過之。





文帝

置孝悌力田詔

十二年三月

詔曰。孝。悌。天。下。之。大。順。也。力。田。爲。生。之。本。也。三。老。衆  
民。之。師。也。廉。吏。民。之。表。也。朕。甚。嘉。此。二。三。大。夫。之。行。  
今。萬。家。之。縣。云。無。應。令。豈。實。人。情。是。吏。舉。賢。之。道。未  
備。也。其。遣。謁。者。勞。賜。三。老。孝。者。帛。人。五。匹。悌。者。力。田  
二。匹。廉。吏。二。百。石。以。上。率。百。石。者。三。匹。及。問。民。所。不  
便。安。而。以。戶。口。率。置。三。老。孝。悌。力。田。常。員。令。各。率。其  
意。以。道。民。焉。



孝弟力田之科實開於此漢之風俗所以爲美

文帝

增祀無祈詔

十四年春

詔曰朕獲執犧牲珪幣以事上帝宗廟十四年于今  
歷日彌長以不敏不明而久撫臨天下朕甚自愧其  
廣增諸祀壇場珪幣昔先王遠施不求其報望祀不  
祈其福右賢左戚先民後已以賢爲上然至明之極  
也今吾聞祠官祝釐皆歸福於朕躬不爲百姓朕甚  
媿之夫以朕之不德而專鄉獨美其福百姓不與焉  
是重吾不德也其令祠官致敬無有所祈



不畏詛呪之禍不求祝釐之福千古以來惟見此  
君

文帝

賜鼂錯璽書

年 月 錯言兵事  
帝嘉之賜書龍答焉

皇帝問太子家令上書言兵體三草聞之書言狂夫  
之言而明主擇焉今則不然言者不狂而擇者不明  
國之大患故在於此使夫不明擇於不狂是以萬聽  
而萬不當也

文帝心材錯而不用以貽景耳何用之不能終也





文帝

議佐百姓詔

後元年

詔曰。閒者數年。比不登。又有水旱疾疫之災。朕甚憂之。愚而不明。未達其咎。意者朕之政有所失而行有過。與乃天道有不順。地利或不得。人事多失和。鬼神廢不享。與。何以致此。將百官之奉養。或費無用之事。或多與。何其民食之寡乏也。夫度田非益寡。而計民未加益。以口量地。其於古猶有餘。而食之甚不足者。其咎安在。無乃百姓之從事於末。以害農者蕃。爲酒



醪以靡穀者多六畜之食焉者衆與細大之義吾未  
能得其中其與丞相列侯吏二千石博士議之有可  
以佐百姓者率意遠思無有所隱  
仁愛之心愈久不厭轉出不窮

文帝

匈奴和親詔

後二年  
夏六月

詔曰朕旣不明不能遠德使方外之國或不寧息夫四荒之外不安其生封圻之內勤勞不處二者之咎皆自於朕之德薄而不能達遠也間者累年匈奴並暴邊境多殺吏民邊臣兵吏又不能諭其內志以重吾不得夫久結難連兵中外之國將何以自寧今朕夙興夜寐勤勞天下憂苦萬民爲之惻怛不安未嘗一日忘於心故遣使者冠蓋相望結轍於道以諭朕



志於單于。今單于反古之道。計社稷之安。便萬民之利。新與朕俱。弃細過。偕之大道。結兄弟之義。以全天下元元之民。和親以定。始于今年。

詔中國也。卽以詔匈奴也。誠而無詭。和而不卑。

文帝

遺匈奴書

前六年。公卿皆曰得匈奴地非可居也。和親甚便。

皇帝敬問匈奴大單于無恙。使係率淺遺朕書云。願寢兵休士。除前事。復故約。以安邊民。世世平樂。朕甚嘉之。此古聖王之志也。漢與匈奴約爲兄弟。所以遺單于甚厚。背約離兄弟之親者。常在匈奴。然右賢王事已。在赦前。勿深誅。單于若稱書意。明告諸吏。使無負約。有信敬。如單于書。使者言單于自將并國有功。甚苦兵事。服繡袷綺衣。長襦錦袍。各一比。踈一。

辭髮之節。



也比音  
顯寐反

黃金飭具帶一黃金犀毗一

要中大帶也犀  
毗胡帶之鈎

繡十匹錦二十匹赤縹綠繒各四十匹使中大夫意

謁者令肩遺單于

用畫機鋒恰與來書相對

文帝

遺詔

後七年夏  
六月帝崩

詔曰。朕聞之。蓋天下萬物之萌生。靡不有死。死者。天地之理。物之自然。奚可甚哀。當今之世。咸嘉生而惡死。厚塋以破業。重服以傷生。吾甚不取。且朕既不德。無以佐百姓。今崩。又使重服久臨。以罹寒暑之數哀。人父子傷長老之志。損其飲食。絕鬼神之祭祀。以重吾不德。謂天下何。朕獲保宗廟。以眇眇之身。託于天下。君王之上。二十有餘年矣。賴天之靈。社稷之福。方



內安寧。靡有兵革。朕既不敏。當畏過行。以羞先帝之遺德。惟年之久長。懼于不終。今乃幸以天年得復供養于高廟。朕之不明。與嘉之。其奚哀念之有。其令天下吏民。令到出臨三日。皆釋服。無禁取婦嫁女祠祀飲酒食肉。自當給喪事。服臨者。皆無踐。踐。蹠也。徒蹠也。無過三寸。無布車及兵器。無以布衣車及兵器也。無發民哭臨。

宮殿中。殿中當臨者。皆以旦夕各十五舉音。禮畢罷。

非旦夕臨時。禁無得擅哭臨以下。下。棺也。服大紅十五

日。小紅十四日。纖七日。釋服。大功小功布也。纖細布衣也。凡三十六日而釋。

服矣此以  
日易月也 宅不在令中者皆以此令比類從事布告

天下使明知朕意霸陵山川因其故無有所改歸夫

人以下至少使

皆遣歸家  
重絕人類

短喪之制後世以爲廢禮然自是體卹人情之至  
古之人君以薄塋爲賢今欲誠其子若孫以厚歛  
抑又不可得





景帝

文帝太子後七年六月文帝崩太子卽位

定文帝廟樂詔

元年冬十月

詔曰蓋聞古者祖有功而宗有德

祖始也始受命也宗尊也有德可尊

制禮樂各有由歌者所以發德也舞者所以明功也

高廟酎

正月旦作酒八月成名曰酎酎之言純也音直救反

奏武德文始五行

之舞孝惠廟酎奏文始五行之舞孝文皇帝臨天下

通關梁不異遠方除誹謗去肉刑賞賜長老收恤孤

獨以遂群生減耆欲不受獻罪人不帑不誅亾罪不

私其利也除宮刑出美人重絕人之世也朕旣不敏



弗能勝識此皆上世之所不及而孝文皇帝親行之  
德厚侔天地利澤施四海靡不獲福明象乎日月而  
廟樂不稱朕甚懼焉其爲孝文皇帝廟爲昭德之舞  
以明休德然後祖宗之功德施于萬世永永無窮朕  
甚嘉之其與丞相列侯中二千石禮官具禮儀奏  
禹湯文武故自聖人然傳世久遠亦或推高之過  
如文帝之茂德深仁必曰三代而下無聖人者非  
中論也此詔言言實錄非云孝子之私其親已

景帝

徙民詔

元年春正月

詔曰間者歲比不登民多乏食天絕天年朕甚痛之  
郡國或磽陿無所農桑古擊字擊畜陿音狹擊或地饒廣薦  
草莽水泉利而不得徙其議民欲徙寬大地者聽之  
移民之議常情所難然自是平土均人之術古今  
宜可行



四

...

...

...

...

...

景帝

讞獄詔

中五年  
九月

詔曰法令度量所以禁暴止邪也獄人之大命死者不可復生吏或不奉法令以貨賂爲市朋黨比周以苛爲察以刻爲明令亡罪者失職朕甚憐之職常也失其常理也有罪者不伏罪姦法爲暴甚亡謂也諸獄疑若雖文致於法而於人心不厭者輒讞之讞平議也苛察刻明直次文俗吏之骨



昔魏都賦云文選用之

文選用之

昔魏都賦云文選用之

昔魏都賦云文選用之

昔魏都賦云文選用之

昔魏都賦云文選用之

昔魏都賦云文選用之

昔魏都賦云文選用之

景帝

令二千石修職詔

後二年  
夏四月

詔曰、雕文刻鏤、傷農事者也、錦繡纂組、害女紅者也、農事傷、則饑之本也、女紅害、則寒之原也、夫饑寒並至、而能亡爲非者寡矣、朕親耕、后親桑、以奉宗廟粢盛祭服、爲天下先、不受獻、減太官、省繇賦、欲天下務農蠶、素有畜積、以備灾害、彊毋穰弱、衆毋暴寡、老者以壽終、幼孤得遂長、今歲或不登、民食頗寡、其咎安在、或詐譌爲吏、吏以貨賂爲市、漁奪百姓、侵牟萬民、

漢書

詔



縣丞長吏也。奸法與盜盜甚無謂也。其令二千石各修其職，不事官職耗亂者，丞相以聞，請其罪。布告天下，使明知朕意。

自謂近諛繩下近許孝文謙儉之風於斯息矣

景帝

重廉士詔

後二年夏五月

詔曰人不患其不知。患其爲詐也。不患其不勇。患其

爲暴也。不患其不富。患其亡厭也。其唯廉士寡欲易

足。今訾筭十以上。廼得官。

古者疾吏之貪。衣食足知榮辱。限訾十筭。廼得爲吏。

十筭十萬也。賈人有財。不得爲吏。廉士無訾。又不得官。故減訾四筭。得官矣。

廉士筭不必

衆。有市籍不得官。無訾又不得官。朕甚愍之。訾筭四得官。亡令廉士久失職。貪夫長利。

大爲窮儒爭氣





景帝

勸農桑詔

後三年  
春正月

詔曰農天下之本也黃金珠玉饑不可食寒不可衣  
以爲幣用不識其終始間歲或不登意爲未者衆農  
民寡也其令郡國務勸農桑益種樹可得衣食物吏  
發民若取庸采黃金珠玉者坐臧爲盜二千石聽者  
與同罪

以金爲幣煞是可怪澹得絕趣後世有衣珠佩玉  
餓而死者其言于是乎徵



*(Faint vertical text columns, likely bleed-through from the reverse side of the page)*

武帝

景帝中子七歲爲皇太子  
後三年景帝崩卽皇帝位

復高年子孫詔

建元元年  
夏四月

詔曰古之立教鄉里以齒。朝廷以爵。扶世導民。莫善於德。然則於鄉里先耆艾。奉高年。古之道也。今天下孝子順孫。願自竭盡以事其親。外迫公事。內乏資財。是以孝心闕焉。朕甚哀之。民年九十以上。已有受鬻法。給米粟以爲糜鬻。爲復子若孫。令得身帥妻妾。遂其供養之事。

漢世敬老之法備極周詳。今人苦不見三代何多



談也

武帝

策賢良詔

元光元年夏五月詔賢良曰

朕聞昔在唐虞。畫象而民不犯。日月所燭。莫不率俾。周之成康。刑錯不用。德及鳥獸。教通四海。海外肅春。北發渠搜。氏羌徠服。星辰不孛。日月不蝕。山陵不崩。川谷不塞。麟鳳在郊。藪河洛出圖書。鳴虡何施。而臻此。與今朕獲奉宗廟。夙興以求。夜寐以思。若涉淵水。未知所濟。猗與偉與。何行而可以章先帝之洪業。休德上參堯舜。下配三王。朕之不敏。不能遠德。此子大



夫之所睹聞也。賢良明於古今王事之體。受策察問。咸以書對。著之于篇。朕親覽焉。

曠其遠矚。惕然長懷。希世明君。絕代才子。

武帝

策諸儒制

元光五年

月

制曰。蓋聞上古至治。畫衣冠。異章服。而民不犯陰陽。  
和五穀。登六蓄。蕃甘露。降風雨。時嘉禾興。朱草生。山  
不童。澤不涸。麟鳳在郊。藪龜龍游於沼。河洛出圖書。  
父不喪子。兄不哭弟。北發渠搜。南撫交趾。舟車所至。  
人迹所及。跂行喙息。咸得其宜。朕甚嘉之。今何道而  
臻此乎。子大夫修先聖之術。明君臣之義。講論洽聞。  
有聲乎當世。敢問子大夫。天人之道。何所本始。吉凶



之效。安所期焉。禹湯水旱。厥咎何由。仁義禮知四者之宜。當安設施。屬統垂業。物鬼變化。天命之符。廢興何如。天文地理。人事之紀。子大夫習焉。其悉意正議。詳具其對。著之於篇。朕將親覽焉。靡有所隱。

萬古策問挺堦也是謂作者之聖

武帝

議不舉孝廉者罪詔

元朔元年  
冬十一月

詔曰公卿大夫所司總方畧壹統類廣教化美風俗也夫本仁祖義褒德錄賢勸善刑暴五帝三王所繇昌也朕夙興夜寤嘉與宇內之士臻於斯路故旅耆老復孝敬旅耆老者  
若賓旅也選豪俊講文學稽叅政事所進民心深詔執事興廉舉孝庶幾成風紹休聖緒夫十室之邑必有忠信三人並行厥有我師今或至闔郡而不薦一人是化不下究而積行之君子雍于上聞



也。二千石官長紀綱人倫。將何以佐朕燭幽隱。勸元  
元。厲蒸庶。崇鄉黨之訓哉。且進賢受上賞。蔽賢蒙顯  
戮。古之道也。其與中二千石禮官博士議不舉者罪。  
罪人以求士。何僅夢想如渴也。

武帝

赦天下詔

元朔元年  
春三月

詔曰朕聞天地不變不成施化陰陽不變物不暢茂

易曰通其變使民不倦詩云九變復貫知言之選

三王

之教有文有質九數之多也貫事也選擇也言  
文質不同寬猛殊用循環復舊擇善而從之朕嘉

唐虞而樂殷周據舊以鑒新其赦天下與民更始諸

逋貸及辭訟在孝景後三年以前皆勿聽治

唐虞殷周未嘗有無故之赦幾於僭矣



...

...

...

...

...

...

...

...

武帝

勸學詔

光朔五年  
夏六月

詔曰。蓋聞導民以禮。風之以樂。今禮壞樂崩。朕甚閔焉。故詳延天下方聞之士。咸薦諸朝。方謂方正也。其令禮官勸學講義。洽聞舉遺興禮。以爲天下先。太常其議予博士弟子崇鄉黨之化。以厲賢材焉。

自孔子憂學之不講。孟子空譚庠序。至於秦項兵爭。高祖嫚罵孝文。謙讓凡數百年。於此乃見是詔。此謂好學也已。





武帝

遣博士循行詔

元狩六年  
夏四月

詔曰日者有司以幣輕多姦農傷而末衆又禁兼并之塗故改幣以約之稽諸往古制立於今廢期有月而山澤之民未諭夫仁行而從善義立則俗易意奉憲者所以導之未明與將百姓所安殊路而橋處吏因乘執以侵蒸庶邪何紛然其擾也今遣博士大等六人分循行天下存問鰥寡廢疾無以自振業者貸與之諭三老孝弟以爲民師舉獨行之君子徵詣行



漢書  
在所。朕嘉賢者樂知其人。廣宣厥道。士有特招使者。之任也。詳問隱處亡位。及寃失職。姦猾爲害。野荒治苛者。舉奏。郡國有所以爲便者。

此卽勅命之始。古之所謂簡書者也。周詳愧悉。皆自天子肺腑中流出。後世假手臣下。具用成言。去之邈然矣。

武帝

賜廣陵王策

策曰。嗚呼小子。胥受茲赤社。建爾國家。封于南土。世  
世爲漢藩輔。古人有言曰。大江之南。五湖之間。其人  
輕心。楊州保疆。也。保持也。三代要服。不及以正。也。正政也。烏呼。

悉爾心。祇祇兢兢。廼惠廼順。毋桐好逸。毋邇宵人。音桐  
通桐輕惟法惟則。書云。臣不作福。不作威。靡有後羞。  
脫之貌

王其戒之。

知其如此。不立賢傳。相以導防之何哉。



一、  
二、  
三、  
四、  
五、  
六、  
七、  
八、  
九、  
十、  
十一、  
十二、  
十三、  
十四、  
十五、  
十六、  
十七、  
十八、  
十九、  
二十、  
二十一、  
二十二、  
二十三、  
二十四、  
二十五、  
二十六、  
二十七、  
二十八、  
二十九、  
三十、  
三十一、  
三十二、  
三十三、  
三十四、  
三十五、  
三十六、  
三十七、  
三十八、  
三十九、  
四十、  
四十一、  
四十二、  
四十三、  
四十四、  
四十五、  
四十六、  
四十七、  
四十八、  
四十九、  
五十、  
五十一、  
五十二、  
五十三、  
五十四、  
五十五、  
五十六、  
五十七、  
五十八、  
五十九、  
六十、  
六十一、  
六十二、  
六十三、  
六十四、  
六十五、  
六十六、  
六十七、  
六十八、  
六十九、  
七十、  
七十一、  
七十二、  
七十三、  
七十四、  
七十五、  
七十六、  
七十七、  
七十八、  
七十九、  
八十、  
八十一、  
八十二、  
八十三、  
八十四、  
八十五、  
八十六、  
八十七、  
八十八、  
八十九、  
九十、  
九十一、  
九十二、  
九十三、  
九十四、  
九十五、  
九十六、  
九十七、  
九十八、  
九十九、  
一百、

武帝

賑江南饑詔

元鼎二年  
秋九月

詔曰、仁不異遠、義不辭難、今京師雖未爲豐年、山林池澤之饒、與民共之、今水潦移於江南、迫隆冬至、朕懼其饑寒不活、江南之地、火耕水耨、方下巴蜀之粟、致之江陵、遣博士中等分循行諭告、所抵無令重困、吏民有賑救饑民、免其戾者、具舉以聞、

江南在漢世膚廓之地耳、一遇水潦、賑卹有加以視今日何如也、昔之所貧、今之所富、昔之所貴、今



之所賤何其垂刺若是者耶得非冀命與

武帝

賜卜式爵詔

年 月 呂嘉反 式上書請  
行死以盡臣節上賢之

詔曰朕聞報德以德報怨以直今天下不幸有事郡縣諸侯未有奮繇直道者也齊相雅行躬耕隨牧蓄番輒分昆弟更造不爲利惑日者北邊有興上書助官往年西河歲惡率齊人入粟今又首奮雖未戰可謂義形於內也其賜式爵關內侯

式亦大有僻見非苟爲阿諂以要利者不然武帝而可以欺動哉





武帝

報石慶

元封四年月公卿議欲徙流民於邊上案御史大夫以下議爲請者慶慙不任職上書歸丞相侯印乞骸骨

報曰間者河水滔陸泛濫十餘郡隄防勤勞弗能墮塞朕甚憂之是故巡方州禮嵩嶽通八神以合宣房言致禮中岳通敬八於宣房塞決河也濟淮江歷山濱海問百年民所

疾苦惟吏多私徵求無已去者便居者擾故爲流民

法以禁重賦

言百姓去其本土者則免於吏徵求在舊居者則見煩擾故朝廷特爲流人設

法禁吏之重賦也

乃者封泰山皇天嘉況神物竝見

况賜朕也

美書報



力答氣應未能承意

言自脩整以報瑞應恐未承順上天之意

是以切比

閭里知吏姦邪

比校考也音頻寤反

委任有司然則官曠民愁

盜賊公行往年覲明堂赦殊死無禁錮咸自新與更

始今流民愈多計文不改君不繩責長吏而請以興

徙四十萬口搖蕩百姓孤兒幼年未滿十歲無罪而

坐率

率坐刑法也

朕失望焉今君上書言倉庫城郭不克

實民多貧盜賊衆請入粟爲庶人夫懷知民貧而請

益賦動危之而辭位欲安歸難乎君其反室

知其不能而用之欲去又不聽武帝善於駕馭英

雄此處亦不可解



蘇州府志卷之四

武帝

下州郡察茂材異等可爲將相使絕國者詔

元封

元年夏四月

詔曰蓋有非常之功必待非常之人故馬或奔踶而致千里士或有負俗之累而立功名夫泛駕之馬跣弛之士亦在御之而已其令州郡察吏民有茂材異等可爲將相及使絕國者

設非常之位以待非常之人然後効可立覩後世循資計俸跬步之地不可暫騰又安其能坐致千



里也

武帝

報胡建制

二年一月建守軍正丞時監軍御史爲姦穿北軍壘垣以爲賈區建斬

之以聞

制曰司馬法曰國容不入軍軍容不入國何文吏也

言在於軍中何用文吏議

三王或誓於軍中欲民先成其慮也或

誓於軍門之外欲民先意以待事也或將交刃而誓致民志也建又何疑焉

主德聖於上臣法行於下



7

武帝

報李廣

某年某月廣爲庶人夜坐飲還至亭霸陵尉呵止廣上召拜廣右北平太守請尉與俱至軍斬之上書陳謝

將軍者國之爪牙也。司馬法曰：登車不式，遭喪不服，振旅撫師，以征不服，率三軍之心，同戰士之死，故怒形則千里竦，威振則萬物伏。是以名聲暴於夷貉，威稜憚乎隣國。夫報忿除害，捐殘去殺，朕之所圖於將軍也。若廼免冠徒跣，稽顙請罪，豈朕之指哉？將軍其率師東轅，彌節白檀，白檀縣名以臨右北平。盛秋



觀廣之斬尉帝之赦廣度量相越固以遠矣

昭帝

武帝少子武帝末戾太子敗後元二年二月上疾病立爲太子年八歲明日武帝崩卽位

舉賢良文學高第詔

始元五年六月

詔曰朕以眇身獲保宗廟戰戰栗栗夙興夜寐修古  
帝皇之事通保傳傳孝經論語尚書未云有明其令  
三輔太常舉賢良各二人郡國文學高第各一人  
行無濶步話無高言煢煢訪落象猶是也



—

宣帝

庚太子孫元平元年昭帝崩霍光徵昌邑王六月王賀淫亂光議孝武皇帝曾孫病已可以嗣

孝昭皇帝

後卽位

首匿勿坐詔

地節四年夏五月

詔曰父子之親夫婦之道天性也雖有患禍猶蒙死而存之誠愛結於心仁厚之至也豈能違之哉自今子首匿父母妻匿夫孫匿大父母皆勿坐其父母匿子夫匿妻大父母匿孫罪殊死皆止請廷尉以聞此天理人情之極至也父子失歸祖孫欲其相保公勿爲禁帝之感痛可知矣





宣帝

二千石察官屬詔

元康二年夏五月

詔曰。獄者萬民之命。所以禁暴止邪。養育群生也。能使生者不怨。死者不恨。則可謂文吏矣。今則不然。用法或持巧心。析律貳端。深淺不平。

析分也。謂分破律條妄生端緒以出

入人罪

增辭飾非。以成其罪。奏不如實。上亦亡繇知此

朕之不明。吏之不稱。四方黎民將何仰哉。二千石各

察官屬。勿用此人。吏務平法。或擅興徭役。飾厨傳稱

過使客。

使人及賓客來者稱其意而遣之

越職踰法。以取名譽。譬猶



踐薄冰以待白日、豈不殆哉、

爲吏者平法固難、欲無稱過、使客尤難、二千石先  
不願其如此者也、

宣帝

報張安世

元康四年春安世病上疏歸侯印乞骸骨

報曰將軍年老被病朕甚閔之雖不能視事折衝萬里君先帝大臣明於治亂朕所不及得數問焉何感而上書歸衛將軍富平侯印也感恨薄朕忘故非所望也願將軍彊餐食近醫藥專精神以輔天年

君臣之言藹於骨肉



Blank manuscript page with vertical columns.

帝

下群臣詔

黃龍元年  
春二月

詔曰。蓋聞上古之治。君臣同心。舉措曲直。各得其所。是以上下和洽。海內康平。其德弗可及已。朕旣不明。數申詔公卿大夫。務行寬大。順民所疾苦。將欲配三王之隆明。先帝之德也。今吏或以不禁奸邪爲寬大。縱釋有罪。爲不肯。或以酷惡爲賢。皆失其中。奉詔宣化如此。豈不繆哉。方今天下少事。繇役省減。兵革不動。庶民多貧。盜賊不止。其咎安在。上計簿具文而已。



務爲欺謾以避其課、三公不以爲意、朕將何任、諸請  
詔省卒徒自給者皆止、御史察計簿、疑非實者按之、  
使真僞母相亂、

吏爲欺謾、三公不以爲意、足以見當時之有君無  
臣矣、

元帝

宣帝徵時生民間八歲立爲太子宣帝崩卽位

恤民詔

初元元年夏四月

詔曰朕承先帝之聖緒獲奉宗廟戰戰兢兢間者地  
數動而未靜懼於天地之戒不知所繇方田作時朕  
憂蒸庶之失業臨遣光祿大夫褒等十二人循行天  
下存問耆老鰥寡孤獨困乏失職之民延登賢俊擢  
顯側陋因覽風俗之化相守二千石誠能正躬勞力  
宣明教化以親萬姓則六合之內和親庶幾乎無憂  
矣



詞義輕柔不似武宣之壯厲

元帝

陰陽錯謬詔

初元三年六月

詔曰、蓋聞安民之道、本繇陰陽、間者陰陽錯謬、風雨不時、朕之不德、庶幾群公有敢言朕之過者、今則不然、媿合苟從、未肯極言、朕甚閔焉、永惟烝庶之幾寒、遠離父母妻子、勞於非業、之作衛於不居之宮、恐非所以佐陰陽之道也、其罷甘泉建章宮衛令就農、百官各省費、條奏毋有所諱、有司勉之、毋犯四時之禁、丞相御史舉天下明陰陽災異者各三人、



於是言事者衆或進擢召見然他日有一蕭傳而  
不能全此又何言之求

元帝

日蝕詔

永光二年三月

詔曰朕戰戰栗栗夙夜思過失不敢荒寧惟陰陽不調未燭其咎婁赦公卿日望有效至今有司執政未得其中施與禁切未合民心暴猛之俗彌長和睦之道日衰百姓愁苦靡所錯躬是以氛邪歲增侵犯太陽正氣湛掩日久奪光廼壬戌日有蝕之天見大異以戒朕躬朕甚悼焉其令內郡國舉茂材異等賢良直言之士各一人



卷五

元帝

日蝕下公卿詔

元光四年  
夏五月

詔曰。蓋聞明王在上。忠賢布職。則群生和樂。方外蒙  
澤。今朕矚于王道。夙夜憂勞。不通其理。靡瞻不眩。靡  
聽不惑。是以政今多還。民心未得。也還反邪說空進。事  
亾成功。此天下所著聞也。公卿大夫。好惡不同。或緣  
姦作邪。侵削細民。元元安所歸命哉。廼六月晦。日有  
蝕之。詩不云乎。今此下民。亦孔之哀。自今以來。公卿  
大夫。其勉思天戒。慎身修永。以輔朕之不逮。直言盡



意無有所諱。

元帝

報貢禹

年 月 禹乞骸  
骨及身生歸鄉里

天子報曰。朕以生有伯夷之廉。史魚之直。守經據古。不阿當世。孳孳於民俗之所寡。故親近生。幾參國政。今未得久聞生之奇論也。而云欲退。意豈有所恨與。將在位者與生殊乎。往者嘗令金敞語生。欲及生時。祿生之子。既已諭矣。今復云子少。夫以王命。辨護生家。雖百子。何以加。傳曰。亡懷土。何必思故鄉。生其強飯。慎疾。以自輔。





元帝

徵周堪詔

永光四年○月先是日青無光恭顯許史言堪用事之咎左遷堪爲河東太守後三歲餘孝宣廟災日食於是上召諸前言日變在堪者責問因下詔

河東太守堪先帝賢之命而傳朕資質淑茂道術通明論議正直秉心有常發憤悃愾信有憂國之心以不能阿尊事貴孤特寡助抑厭遂退卒不克明往者衆臣見異不務自修深惟其故而反晡昧說天託咎此人晡讀與暗同朕不得已出而試之以彰其材堪出之



後大變仍臻衆亦嘿然堪治未期年而三老官屬有  
識之士咏頌其美使者過郡靡人不稱此固足以彰  
先帝之知人而朕有以自明也俗人乃造端作基非  
議詆欺或引幽隱非所宜明意疑以類欲以陷之朕  
亦不取也朕迫于俗不得專心乃者天著大異朕甚  
懼焉今堪年衰歲暮恐不得自信排於異人將安究  
之哉其徵堪詣行在所

詔書如此邪黨不懼堪卒不得以有爲朕迫于俗  
不得專心帝之自道甚明矣

元帝

祁陵勿置縣邑詔

元光四年冬十月以渭城亭部原上爲初陵

詔曰安土重遷黎民之性骨肉相附人情所願也頃者有司緣臣子之義奏徙郡國民以奉國陵令百姓遠棄先祖墳墓破業失產親戚別離人懷思慕之心家有不安之意是以東垂被虛耗之害關中有無聊之民非久長之策也詩不云乎民亦勞止迄可小康惠此中國以綏四方今所爲初陵者勿置縣邑使天下咸安土樂業亡有動搖之心布告天下令明知之



清江雜錄卷七  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

元帝

禁證案不急詔

建昭五年  
春三月

詔曰方春農桑興百姓戮力自盡之時也故是月勞農勸民無使後時今不良之吏覆案小罪徵召證案興不急之事以防百姓使失一時之作亾終歲之功公卿其明察申赦之

不良之吏古朴特甚



不見其意古今有異

公卿其世有年歲二

與不與也年以胡君其時

其後則無異也胡君其時

其後則無異也胡君其時

其後則無異也胡君其時

其後則無異也胡君其時

成帝

元帝太子爲世嫡皇孫宣帝愛之其後幸酒樂燕樂上以爲不能以先帝尤愛太子故得無廢

元帝崩卽位

順時詔

陽朔二年春寒

詔曰昔在帝堯立羲和之官命以四時之事令不失其序故書云黎民於蕃時雍明以陰陽爲本也今公卿大夫或不信陰陽薄而小之所奏請多違時政傳以不知周行天下而欲望陰陽和調豈不謬哉其務順四時月令

天地乖和陰陽失序厥自王氏歸咎公卿豈不謬



哉

臣

臣

臣

臣

臣

臣

臣

臣

成帝

舉賢詔

陽嘉二年三月

詔曰古之選賢傳納以言明試以功故官無廢事下  
無逸民教化流行風雨和時百穀用成衆庶樂業咸  
以康寧朕承鴻業十有餘年數遭水旱疾疫之時黎  
民婁困於饑寒而望禮義之興豈不難哉朕幾無以  
率道帝王之道日以陵夷意廼招賢選士之路鬱滯  
而不通與將舉者未得其人也其舉敦厚有行義能  
直言者冀聞切言嘉謀匡朕之不逮





成帝

禁奢僭詔

永始四年  
夏六月

詔曰。聖王明禮制。以序尊卑。異車服。以章有德。雖有其財。而無其尊。不得踰制。故民興行。上義而下利。方今世俗奢僭罔極。靡有厭足。公卿列侯親屬近臣。四方所則。未聞修身遵禮。同心憂國者也。或乃奢侈逸豫。務廣第宅。治園池。多畜奴婢。被服綺縠。設鐘鼓備女樂。車服嫁娶。塋埋過制。吏民慕效。寢以成俗。而欲望百姓儉節。家給人足。豈不難哉。詩不云乎。赫赫師



尹民具爾瞻其申敕有司以漸禁之青綠民所常服  
且勿止列侯近臣各自省改司隸校尉察不變者  
文景恭儉不言成俗成帝后宮淫侈無紀而欲以  
禁下豈無而後非之義哉

哀帝

元帝庶孫定陶恭王子嗣立爲王元延四年入朝上令誦詩通習能曉趙昭儀王根見上亡子

勸以爲嗣上亦自美其材明年徵立爲皇太子成帝崩卽位

日食詔

元壽元年正月

詔曰朕獲保宗廟不明不敏宿夜憂勞未遑寧息惟陰陽不調元元不瞻未睹厥咎婁救公卿庶幾有望至今有司執法未得其中或上暴虐假執獲名溫良寬柔陷於亾滅是故殘賊彌長和睦日衰百姓愁怨靡所錯躬廼正月朔日有蝕之厥咎不遠在余一人公卿大夫其各悉心勉帥百寮敦任仁人黜遠殘賊



期於安民陳朕之過失無有所諱其與將軍列侯中  
二千石舉賢良方正能直言者各一人大赦天下

或字作惑字讀顏氏不注

平帝

元帝庶孫中山孝王子嗣立爲王哀帝崩太皇太后迎卽皇帝位年九歲太后臨朝大司馬莽

秉政

勿陳赦前詔

元壽二年九月

詔曰夫赦令者將與天下更始誠欲令百姓改行絜已全其性命也往者有司多舉奏赦前事累增罪過誅陷亡辜殆非重信慎刑洒心自新之意也及選舉者其歷職更事有名之士則以爲難保廢而弗舉甚謬於赦小過舉賢材之義諸有臧及內惡未發而薦舉者皆勿案驗令士厲精鄉進不以小疵妨大材自



今以來有司無得陳置前事置奏上

置奏上謂立文奏而上陳也

有不如詔書爲虧恩以不道論

時帝以卽位故當以帝爲紀如求其實則又非元  
后之所爲矣

漢書

奏議

顧在觀觀生

古裕陳元綸道掌

雲間

許清胤介夫輯評

顧之萃宗之叅訂

勾章陳

裕廣生

陳祐天生

韓信

諸侯上尊號疏

五年冬斬羽春正月下令曰齊王信習楚風俗更立爲韓王魏相國建城侯彭越以魏故地王之又曰兵不得休八年萬民與苦甚今天下事畢其赦天下殊死以下於是諸侯上疏曰

先時秦爲亡道天下誅之大王先得秦王定關中於

漢書

章疏



天下功最多。存亡定危。救敗繼絕。以安萬民。功盛德厚。又加惠於諸侯王有功者。使得立社稷。地分以定。而位號止。擬上下之分。大王功德之著。於後世不宣。昧死再拜上皇帝尊號。

德兼三王。功過五帝。秦之所以自命也。以項羽之  
僭暴而自稱號曰西楚霸王。蓋猶有忌憚畏難之  
色焉。漢祖居之不疑。後世遂爲常目。

賈山

祖父祛故魏王時博士弟子也山受學祛所言涉獵書記不能為醇儒

至言

孝文時言治亂之道借秦為諭名曰至言

臣聞為人臣者盡忠竭愚以直諫主不避死亡之誅者臣山是也臣不敢以久遠諭願借秦以為諭唯陛下少加意焉夫布衣韋帶之士修身於內成名於外而使後世不絕息至秦則不然貴為天子富有天下賦歛重數百姓任罷罷讀曰疲赭衣半道羣盜滿山使天下之人戴目而視傾耳而聽一夫大譁天下響應者陳勝是也秦非徒如此也起咸陽而西至雍離宮三



百鐘鼓帷帳不移而具。又爲阿房之殿，殿高數十仞，東西五里，南北千步，從車羅騎，四馬騫馳，旌旗不撓。

撓屈也。

爲宮室之麗，至於此，使其後世曾不得聚廬而

託處焉。爲馳道於天下，東窮燕齊，南極吳楚，江湖之上，瀕海之觀，畢至。道廣五十步，三丈而樹，厚築其外。

隱以金椎。

隱築也以鐵椎築之。

樹以青松，爲馳道之麗，至於此。

使其後世曾不得邪徑而託足焉。歿葬乎驪山，吏徒數十萬人，曠日十年，下徹三泉，合采金石，冶銅錮其內，塗其外，被以珠玉，飾以翡翠，中成觀游，上成山。

亦爲葬薶之侈至於此使其後世曾不得蓬顆蔽冢

而託葬焉

蓬顆言塊土生蓬者

秦以熊羆之力虎狼之心蠶食

諸侯并吞海內而不篤禮義故天殃已加矣臣昧死

以聞願陛下少畱意而詳擇其中臣聞忠臣之事君

也言切直則不用而身危不切直則不可以明道故

切直之言明主所欲急聞忠臣之所以蒙死而竭知

也地之磽者雖有善種不能生焉江臯河瀕雖有惡

種無不猥大昔者夏商之季世雖關龍逢箕子比干

之賢身死亾而道不用文王之時豪俊之士皆得竭



其智、芻蕘採薪之人，皆得盡其力，此周之所以興也。故地之美者，善養禾；君之仁者，善養士。雷霆之所擊，無不摧折者，萬鈞之所壓，無不糜滅者，今人主之威，非特雷霆也；執重，非特萬鈞也。開道而求諫，和顏色而受之，用其言而顯其身，士猶恐懼而不敢自盡，又廼況於縱欲恣行暴虐，惡聞其過乎？震之以威，壓之以重，則雖有堯舜之智、孟賁之勇，豈有不摧折者哉？如此，則人主不得聞其過失矣。弗聞，則社稷危矣。古者聖王之制，史在前書過失，工誦箴諫，瞽誦詩諫，公

卿比諫士傳言諫過庶人訪於道商旅議於市然後  
君得聞其過失也聞其過失而改之見義而從之所  
以永有天下也天子之尊四海之內其義莫不爲臣  
然而養三老於太學親執醬而餽執爵而醕醕音胤  
謂食已  
而蕩  
口也祝餉在前祝鯁在後餉古  
饘字公卿奉杖大夫進履  
舉賢以自輔弼求修正之士使直諫故以天子之尊  
尊養三老視孝也立輔弼之臣者恐驕也置直諫之  
士者恐不得聞其過也學問至於芻蕘者求善無饜  
也商人庶人誹謗已而改之從善無不聽也昔者秦



政力并萬國，富有天下，破六國以爲郡縣，築長城以爲關塞，秦地之固，大小之執，輕重之權，其與一家之富一夫之彊，胡可勝計也。然而兵破於陳涉，地奪於劉氏者，何也？秦王貪狠暴虐，殘賊天下，窮困萬民，以適其欲也。昔者周蓋千八百國，以九州之民養千八百國之君，用民之力，不過歲三日，什一而籍。籍借也君有餘財，民有餘力，而頌聲作。秦皇帝以千八百國之民自養，力罷不能勝其役，財盡不能勝其求。一君之身耳，所以自養者，馳騁弋獵之娛，天下弗能供也。勞

罷者不得休息。饑寒者不得衣食。亡罪而次刑者。無所告訴。人與之爲怨。家與之爲讎。故天下壞也。秦皇帝身。在之時。天下已壞矣。而弗自知也。秦皇帝東巡狩。至會稽琅邪。刻石著其功。自以爲過堯舜。統縣石鑄鐘虡。

縣稱也。石百三十斤。稱銅鐵之斤。石以鑄鐘虡。言其奢泰也。

飾上築阿房。

之宮。自以爲萬世有天下也。古者聖王作謚。三四十世耳。雖堯舜禹湯文武。紂世廣德。以爲子孫基業。無過二三十世者也。秦皇帝曰。死而以謚法。是父子名號有時相襲也。以一至萬。則世世不相復也。故死而



號曰始皇帝。其次曰二世皇帝者，欲以一至萬也。秦  
皇帝計其功德，度其後嗣，世世無窮，然身歿纔數月  
耳。天下四面而攻之，宗廟滅絕矣。秦皇帝居滅絕之  
中而不自知者，何也？天下莫敢告也。其所以莫敢告  
者，何也？亡養老之義，亡輔弼之臣，亡進諫之士，縱恣  
行誅，退誹謗之人，殺直諫之士。是以道諛媮合，苟容  
比其德，則賢於堯舜；課其功，則賢於湯武。天下已潰  
而莫之告也。詩曰：匪言不能，胡此畏忌。聽言則對，譖  
言則退。此之謂也。又曰：濟濟多士，文王以寧。天下未



嘗亡士也。然而文王獨言以寧者，何也？文王好仁，則

仁興，得士而敬之，則士用。用之有禮義，故不致其愛

敬，則不能盡其心；不能盡其心，則不能盡其力；不能

盡其力，則不能成其功。故古之賢君，於其臣也，尊其

爵祿而親之，疾則臨視之，亡言心實憂念之數不為禮節也，成則

往弔哭之，臨其小歛，大歛已棺塗，而後為之服。錫衰

麻經塗謂塗殯也，而三臨其喪，未歛不飲酒食肉，

未葬不舉樂。當宗廟之祭而死，為之廢樂。故古之君

人者，於其臣也，可謂盡禮矣。服法服，端容貌，正顏色，



然後見之。故臣下莫敢不竭力盡死以報其上。功德  
立於後世。而令聞不亡也。今陛下念思祖考。術追厥  
功。圖所以昭光洪業。休德。使天下舉賢良方正之士。  
天下皆訢訢焉。曰。將興堯舜之道。三王之功矣。天下  
之士。莫不精白以承休德。今方正之士。皆在朝廷矣。  
又選其賢者。使爲常侍。諸吏與之馳毆射獵。一日再  
三出臣。恐朝廷之解弛。百官之墮於事也。諸侯聞之。  
又必怠於政矣。陛下卽位。親自勉以厚天下。損食膳。  
不聽樂。減外徭衛卒。止歲貢。省廐馬。以賦縣傳。去諸

苑以賦農夫出帛十萬餘匹以振貧民禮高年九十

者一子不事八十者二算不事

二算不事免二口之算賦也

賜天

下男子爵大臣皆至公卿發御府金賜大臣宗族亡  
不被澤者赦罪人憐其亡髮賜之巾憐其衣赭書其  
背父子兄弟相見也而賜之衣平獄緩刑天下莫不  
說喜是以元年膏雨降五穀登此天之所以相陛下  
也刑輕於它時而犯法者寡衣食多於前年而盜賊  
少此天下之所以順陛下也臣聞山東吏布詔令民  
雖老羸癯疾扶杖而往聽之願少湏臾毋死思見德



化之成也。今功業方就，名聞方昭，四方鄉風，今從豪俊之臣，方正之士，直與之日日獵射，擊兔伐狐，以傷大業，絕天下之望。臣竊悼之。詩曰：靡不有初，鮮克有終。臣不勝大願，願少衰射獵，以夏歲二月，定明堂，造太學，修先王之道，風行俗成，萬世之基定，然後唯陛下所幸耳。古者大臣不嫖，故君子不常見其齊嚴之色，肅敬之容。大臣不得與宴游，方正修絜之士，不得從射獵，使皆務其方以高其節，則羣臣莫敢不正身修行，盡心以稱大禮。如此，則陛下之道尊敬，功業施

於四海垂於萬世子孫矣誠不如此則行日壞而榮  
日滅矣夫士修之於家而壞之於天子之廷臣竊愍  
之陛下與衆臣宴遊與大臣方正朝廷論議夫游不  
失樂朝不失禮議不失計執事之大者也

西漢文多矜重至言疏越豪宕開門戶當先孫  
子瞻鼻祖



午韻鼻師

西鄭文發保重主言龜茲桑公民司定公世孫  
夫樂障不夫豐贈不夫情贈事之夫書少  
之通可與舉日宴遊與大引丈五傳於兩贈夫後不  
中與夫士外之然容而慰之然天子之我耳察想

賈誼

諫民私鑄錢

孝文五年爲錢益多而輕更鑄四銖錢除盜鑄令使民放鑄

賈誼諫曰法使天下公得顧租鑄銅錫爲錢敢雜以

鉛鐵爲它巧者其罪黥然鑄錢之情非殺雜爲巧則

不可得贏

贏餘利也

而殺之甚微爲利甚厚夫事有召禍

而法有起姦今令細民人操造幣之執各隱屏而鑄

作因欲禁其厚利微姦雖黥罪日報其執不止廼者

民人抵罪多者一縣百數及吏之所疑榜笞奔走者

甚衆夫縣法以誘民使入陷阱孰積於此曩禁鑄錢



火罪積下。今公鑄錢。黥罪積下。爲法若此。上何賴焉。  
又民用錢。郡縣不同。或用輕錢。百加若干。或用重錢。  
平稱不受。法錢不立。吏急而壹之。虐則大爲煩苛。而  
力不能勝。縱而弗呵。虐則市肆異用。錢文大亂。苟非  
其術。何鄉而可哉。今農事棄捐。而采銅者日蕃。釋其  
耒耨。冶鑄炊炭。姦錢日多。五穀不爲多。善人怵而爲  
姦邪。愚民陷而之。刑戮刑戮將甚不詳。奈何而忽國  
知患此。吏議必曰禁之。禁之不得其術。其傷必大。今  
禁鑄錢。則錢必重重。則其利深。盜鑄如雲而起。棄市

之罪又不足以禁矣。姦數不勝而法禁數潰，銅使之然也。故銅布於天下，其爲禍博矣。今博禍可除而七福可致也。何謂七福？上收銅，勿令布，則民不鑄錢，黥罪不積，一矣。僞錢不蕃，民不相疑，二矣。采銅鑄作者，反於耕田，三矣。銅畢歸於上，上挾銅積，呂御重輕錢，輕則呂術歛之，重則呂術散之，貨物必平，四矣。呂作兵器，呂假貴臣，多少有制，用別貴賤，五矣。呂臨萬貨，呂調盈虛，呂收奇羨，則官富實而末民困，六矣。制吾棄財，呂與匈奴逐爭其民，則敵必懷，七矣。

本業旣困  
農人敦本



倉廩積實布帛有餘則招誘胡人多故善爲天下者  
來降附故言制吾棄財還爭其人也  
因禍而爲福轉敗而爲功今久退七福而行博禍臣  
誠傷之

長沙意致故自落落難合

賈誼

雒陽人年十八以能誦詩書屬文稱河南守吳公徵爲廷尉言誼年少通諸家書文帝召以爲博士歲中至太中大夫絳灌之屬害之天子疎不用以爲長沙王太傅後徵之拜梁王太傅梁王墜馬死誼自傷爲傳無狀歲餘亦死年三十三

治安疏

是時匈奴疆侵邊天下初定制度疏濶諸侯王僭擬地過古制誼上疏陳時政多所欲

匡建

臣竊惟事執可爲痛哭者一可爲流涕者二可爲長太息者六若其他背理而傷道者難徧以疏舉進言者皆曰天下已安已治矣臣獨以爲未也曰安且治者非愚則諛皆非事實知治亂之體者也夫抱火厝



之積薪之下而寢其上。火未及燃，因謂之安。方今之  
執，何以異此？本末舛逆，首尾衡決，國制槍攘，非甚有  
紀。胡可謂治？陛下何不壹令臣得執數之於前，因陳  
治安之策，試詳擇焉？夫射獵之娛，與安危之機，孰急  
使爲治，勞智慮，苦身體，乏鐘鼓之樂，勿爲可也。樂與  
今同，而加之諸侯，軌道兵革不動，民保首領，匈奴賓  
服，四荒鄉風，百姓素樸，獄訟衰息，大數旣得，則天下  
順治，海內之氣清和，咸理生爲明帝，沒爲明神，名譽  
之美，垂於無窮。禮祖有功而宗有德，使顧成之廟，稱

爲太宗上配太祖與漢亡極建久安之執成長治之業以承祖廟以奉六親至孝也以幸天下以育羣生至仁也立綱陳紀輕重同得後可以爲萬世法程雖有愚幼不肖之嗣猶得蒙業而安至明也以陛下之明達因使少知治體者得佐下風致此非難也其具可素陳於前願幸無忽臣謹稽之天地驗之往古按之當今之務日夜念此至執也雖使禹舜復生爲陛下計亡以易此夫樹國固必相疑之執樹國於險固諸侯強大則必與天子有相疑之執也下數被其殃上數爽其憂甚非所以安



上而全下也。今或親弟謀爲東帝。淮南厲王長親兄之子

西鄉而擊。

謂齊悼惠王子興居

今吳又見告矣。天子春秋鼎盛。

行義未過。德澤有加焉。猶尚如是。況莫大諸侯。權力

且十此者乎。然而天下少安何也。大國之王。幼弱未

壯。漢之所置傅相。方握其事。數年之後。諸侯之王。大

抵皆冠。血氣方剛。漢之傅相。稱病而賜罷。彼自丞尉

以上。徧置私人。如此。有異淮南濟北之爲邪。此時而

欲爲治安。雖堯舜不治。黃帝曰。日中必熒。操刀必割。

此語見六韜。焚謂暴曬之也。

今令此道順而全安甚易。不肯早爲。

已廼墮骨肉之屬而抗到之。抗其頭而到之也。豈有異秦之

季世虐夫以天子之位乘今之時因天之助尚憚以危爲安以亂爲治假設陛下居齊桓之處將不合諸侯而匡天下乎臣又知陛下有所必不能矣假設天下如曩時淮陰侯尚王楚黥布王淮南彭越王梁韓信王韓張敖王趙貫高爲相盧綰王燕陳豨在代令此六七公者皆無恙當是時而陛下卽天子位能自安乎臣有以知陛下之不能也天下殽亂高皇帝與諸公併起非有仄室之執以豫席之也諸公幸有廼



爲中涓其次歷得舍人材之不逮至遠也高皇帝以  
明聖威武卽天子位割膏腴之地以王諸公多者百  
餘城少者廼三四十縣德至渥也然其後十年之間  
反者九起陛下之與諸公非親角材而臣之也又非  
身封王之也自高皇帝不能以是一歲爲安故臣知  
陛下之不能也然尚有可諉者曰疏臣請試言其親  
者假令悼惠王王齊元王王楚中子王趙幽王王淮  
陽共王王梁靈王王燕厲王王淮南六七貴人皆亡  
恙當是時陛下卽位能爲治乎臣又知陛下之不能

也。若此諸王，雖名為臣，實皆有布衣昆弟之心，慮亡  
不帝制而天子自為者，擅爵人，赦死罪，甚者或戴黃  
屋，漢法令非行也。雖行不軌如厲王者，令之不肯聽，  
召之安可致乎？幸而來至，法安可得加？動一親戚，天  
下圜視而起。園精正陛下之臣，雖有悍如馮敬者，為御

史大夫奏淮南厲王誅之

適啓其口，匕首已陷其匈矣。陛下雖賢，

誰與領此？故疏者必危，親者必亂，已然之效也。其異  
姓負疆而動者，漢已幸勝之矣。又，不易其所以然，同  
姓襲是跡而動，既有徵矣。其執盡又復然，殃既之變。



未知所移。明帝處之，尚不能以安。後世將如之何？屠  
牛垣一朝解十二牛，而芒刃不頓者，所排擊剝割皆  
衆理解也。至於體髀之所，非斤則斧。夫仁義恩厚，人  
主之芒刃也。權執法制，人主之斤斧也。今諸侯王皆  
衆體髀也。釋斤斧之用，而欲嬰以芒刃，臣以爲不  
則折。胡不用之淮南、濟北？執不可也。二國皆反，誅何  
不施之仁恩執  
不可  
故也臣竊跡前事，大抵疆者先反，淮陰王楚最疆，則  
最先反。韓信倚胡，則又反。貫高因趙資，則又反。陳孫  
兵精，則又反。彭越用梁，則又反。黥布用淮南，則又反。



盧綰最弱、最後反。長沙廼在二萬五千戶耳。功少而最完、執疏而最忠、非獨性異人也。亦形執然也。曩令樊鄴絳灌、據數十城而王。今雖已殘亡、可也。今信越之倫、列爲徹侯而居。雖至今存、可也。然則天下之大計可知已。欲諸王之皆忠附、則莫若令如長沙王。欲臣子之勿菹醢、則莫若令如樊鄴等。欲天下之治安、莫若衆建諸侯而少其力。力少則易使、以義國小則亡邪心。令海內之執、如身之使臂、臂之使指、莫不制從。諸侯之君、不敢有異心。輻湊並進而歸命天子。雖



在細民。且知其安。故天下咸知陛下之明。割地定制。令齊趙楚各爲若干國。使悼惠王幽王元王之子孫。畢以次各受祖之分地。地盡而止。及燕梁他國皆然。其分地衆而子孫少者。建以爲國。空而置之。湏其子孫生者。舉使君之。諸侯之地其削頗入漢者。爲徙其侯國。及封其子孫也。所以數償之。一寸之地。一人之衆。天子亡所利焉。誠以定治而已。故天下咸知陛下之廉。地制一定。宗室子孫莫慮不王。下無倍畔之心。上無誅伐之志。故天下咸知陛下之仁。法立而不犯。

令行而不逆。貫高利幾之謀不生。柴奇開章之計不

萌。

柴奇開章皆與淮南王謀反者也

細民鄉善。大臣致順。故天下咸

知陛下之義。臥赤子天下之上而安。植遺腹。朝委裘。

而天下不亂。

委裘若容衣天子未坐朝事先帝裘衣也

當時大治。後世誦

聖。一動而五業附。陛下誰憚而久不爲此。天下之執

方病大瘡。一脛之大幾如腰。一指之大幾如股。平居

不可屈信。一二指搐。身慮亡聊。

搐謂動而痛也

失今不治。必

爲錮疾。後雖有扁鵲。不能爲已。病非徒瘡也。又苦蹢

鑿。

足下曰蹢。脚掌也。鑿。古戾字。言足蹢反戾不可行也。

元王之子。帝之從弟也。



今之王者，從弟之子也，惠主親兄子也。今之王者，兄子之子也，親者或亡分地以安天下，疏者或制大權以偪天子。臣故曰：非徒病瘡也，又苦蹢躅，可痛哭者，此病是也。天下之執方倒懸，凡天子者，天下之首，何也？上也。蠻夷者，天下之足，何也？下也。今匈奴嫖娖侵掠，至不敬也，爲天下患，至亡已也，而漢歲致金絮采繒以奉之。夷狄徵令，是主上之操也。徵召也。令號令也。操謂主上之天子共貢，是臣下之禮也。足反居上，首顧居下，所操持也。倒懸如此，莫之能解，猶爲國有人乎？非亶倒縣而已。

又類辟且病癰病癰不能行也辟足病夫辟者一面

病癰者一方痛今西邊北邊之郡雖有長爵不輕得

復長爵高爵也雖受高爵之賞猶將禦寇不得復除五尺以上不輕得息斥

侯望烽燧不得臥將吏被介冑而睡臣故曰一方病

矣醫能治之而上不使可為流涕者此也陛下何忍

以帝皇之號為戎人諸侯執既卑辱而甌不息長此

安窮進謀者率以為是固不可解也亡其甚矣臣竊

料匈奴之衆不過漠一大縣以天下之大困於一縣

之衆甚為執事者羞之陛下何不試以臣為屬國之



官以主匈奴、行臣之計、請必係單于之頸而制其命、

伏中行說而答其背、

說奄人也漢使送公主妻匈奴說不肯行強之因以漢事告匈奴

也舉匈奴之衆、唯上之令、今不獵猛敵而獵田鼠、不

搏反寇而搏畜菟、翫細娛而不圖大患、非所以爲安

也、德可遠施、威可遠加、而直數百里外、威令不信、可

爲流涕者此也、今民賣僮者、爲之繡衣、綵履、偏諸緣、

偏諸若今之織成以爲要褻及裸領者也

內之閑中、

閑賣奴婢閑

是古天子后

服、所以廟而不宴者也、而庶人得以衣婢妾、白縠之

表、薄紈之裏、紵以偏諸、

紵音妄謂以偏諸縵著之也

美者黼繡、是



古天子之服、今富人大賈、嘉會召客者、以被牆、古者

以奉一帝一后而節適、

得其節而合宜

今庶人屋壁得爲帝

服、倡優下賤得爲后飾、然而天下不屈者、始未有也、

且帝之身自衣皂綈、而富民牆屋被文繡、天子之后

以緣其領、庶人夔妾緣其履、此臣所謂舛也、夫百人

作之、不能衣一人、欲天下亡寒、胡可得也、一人耕之、

十人聚而食之、欲天下亡饑、不可得也、飢寒切於民

之肌膚、欲其亡爲姦邪、不可得也、國已屈矣、盜賊直

須時耳、然而獻計者曰毋動爲大耳、

好爲大語

夫俗至大



不敬也。至亡等也。至冒上也。進計者猶曰毋爲可爲  
長太息者此也。商君遺禮義。弃仁恩。并心於進取。行  
之二歲。秦俗日敗。故秦人家富子壯則出分。家貧子  
壯則出贅。借父耰鉏。慮有德色。毋取箕箒。立而誅語。  
抱哺其子。與公併僇。婦姑不相說。則反脣而相稽。稽計  
也其慈子耆利。不同禽獸者亡幾耳。然并心而赴時。  
猶曰。屢六國。兼天下。功成求得矣。終不知反廉愧之  
節。仁義之厚。信并兼之法。遂進取之業。天下大敗。衆  
掩寡。智欺愚。勇威怯。壯陵衰。其亂至矣。是以大賢起



之威震海內德從天下

大賢謂高祖德從天下天下從其德

曩之為秦

者今轉而為漢矣然其遺風餘俗猶尚未改今世以

侈靡相競而上亡制度棄禮誼捐廉恥日甚可謂月

異而歲不同矣逐利不耳慮非顧行也

言其所追赴唯計利與不

耳

今其甚者殺父兄矣盜者剽寢戶之簾

剽謂割取之也寢陵

上之寢

剽音輟

擣取也兩朝高祖惠帝廟也

白晝大都之中

剽吏而奪之金矯僞者出幾十萬石粟賦六百餘萬

錢乘傳而行郡國

此言富者出錢穀得高爵或乃為使者乘傳車循行郡國以為榮也

此其亡行義之尤至者也而大臣特以簿書不報期



會之間以爲大故。至於俗流失。世壞敗。因恬而不知怪。慮不動於耳目。以爲是適然耳。夫移風易俗。使天下回心。而鄉道。類非俗吏之所能爲也。俗吏之所務。在於刀筆筐篋。而不知大體。陛下又不自憂。竊爲陛下惜之。夫立君臣。等上下。使父子有禮。六親有紀。此非天之所爲。人之所設也。夫人之所設。不爲不立。不植則僵。不修則壞。筦子曰。禮義廉恥。是謂四維。四維不張。國乃滅亡。使筦子愚人也。則可。筦子而少知治體。則是豈可不爲寒心哉。秦滅四維而不張。故君臣

華亂六親殃戮。姦人並起。萬民離叛。凡十三歲而社稷爲虛。今四維猶未備也。故姦人幾幸而衆心疑惑。豈如今定經制。令君君臣臣。上下有差。父子六親各得其宜。姦人亡所幾幸。而羣臣衆信。上不疑惑。此業壹定。世世常安。而後有所持循矣。若夫經制不定。是猶度江河。亡維楫。中流而遇風波。船必覆矣。可爲長太息者此也。夏爲天子十有餘世。而殷受之。殷爲天子二十餘世。而周受之。周爲天子三十餘世。而秦受之。秦爲天子二世而亡。人性不甚相遠也。何三代之



君有道之長而秦無道之暴也。其故可知也。古之王  
者太子廼生固舉以禮使士負之有司齊肅端冕見  
之南郊見于天也過闕則下過廟則趨孝子之道也  
故自爲赤子而教固已行矣昔者成王幼在襁抱之  
中召公爲太保周公爲太傅太公爲太師保保其身  
體傅傳之德義師道之教訓此三公之職也於是爲  
置三少皆上大夫也曰少保少傅少師是與太子宴  
者也故廼孩提有識三公三少因明孝仁禮義以道  
習之逐去邪人不使見惡行於是皆選天下之端士

孝悌博聞有道術者以衛翼之使與太子居處出入故太子廼生而見正事聞正言行正道左右前後皆正人也夫習與正人居之不能毋正猶生長於齊不能不齊言也習與不正人居之不能毋不正猶生長於楚之地不能不楚言也故擇其所者必先受業廼得嘗之擇其所樂必先有習廼得爲之孔子曰少成若天性習慣如自然及太子少長知妃色則入于學學者所學之官也

官謂官舍

學禮曰帝入東學上親而貴

仁則親疎有序而恩相及矣帝入南學上齒而貴信



則長幼有差而民不誣矣。帝入西學，上賢而貴德，則聖智在位而功不遺矣。帝入北學，上貴而尊爵，則貴賤有等而下不踰矣。帝入太學，承師問道，退習而考於太傅，太傅罰其不則而匡其不及，則德智長而治道得矣。此五學者，既成於上，則百姓黎民化輯於下矣。及太子既冠成人，免於保傅之嚴，則有記過之史、徹膳之宰、進善之旌、誹謗之木、敢諫之鼓、瞽史誦詩、工誦箴諫、大夫進謀、士傳民語，習與智長，故切而不媿，化與心成，故中道若性。三代之禮，春朝朝日，秋暮

夕月所以明有敬也

朝日以朝夕月以暮皆迎其初出也

春秋入學坐

國老執醬而親餽之所以明有孝也行以鸞和步中

采齊

樂詩名也

趣中肆夏

亦樂詩名

所以明有度也其於禽獸

見其生不食其死聞其聲不食其肉故遠庖厨所以

長恩且明有仁也夫三代之所以長久者以其輔翼

太子有此具也及秦而不然其俗固非貴辭讓也所

上者告訐也固非貴禮義也所上者刑罰也使趙高

傳胡亥而教之獄所習者非斬剗人則夷人之三族

也故胡亥今日卽位而明日射人忠諫者謂之誹謫



深計者謂之妖言。其視殺人若艾草菅然。豈惟胡亥之性惡哉。彼其所以道之者。非其理故也。鄙諺曰。不習爲吏。視已成事。又曰。前車覆。後車誡。夫三代之所以長久者。其已事可知也。然而不能從者。是不法聖智也。秦世之所以亟絕者。其轍跡可見也。然而不避。是後車又將覆也。夫存亡之變。治亂之機。其要在是矣。天下之命。縣於太子。太子之善。在於早諭教與選左右。夫心未濫而先諭教。則化易成也。開於道術智通之指。則教之力也。若其服習積貫。則左右而已。夫



胡粵之人生而同聲者欲不異及其長而成俗累數  
譯而不能相通行有雖死而不相爲者則教習然也  
臣故曰選左右早論教最急夫教得而左右正則太  
子正矣太子正而天下定矣書曰一人有慶兆民賴  
之此時務也凡人之智能見已然不能見將然夫禮  
者禁於將然之前而法者禁於已然之後是故法之  
所用易見而禮之所爲生難知也若夫慶賞以勸善  
刑罰以懲惡先王執此之政堅如金石行此之令信  
如四時據此之公無私如天地耳豈顧不用哉然而



曰禮云禮云者貴絕惡於未萌而起教於微眇使民  
日遷善遠邇而不自知也孔子曰聽訟吾猶人也必  
也使毋訟乎爲人主計者莫如先審取舍取舍之極  
定於內而安危之萌應於外矣安者非一日而安也  
危者非一日而危也皆以積漸然不可不察也人主  
之所積在其取舍以禮義治之者積禮義以刑罰治  
之者積刑罰刑罰積而民怨背禮義積而民和親故  
世主欲民之善同而所以使民善者或異或道之以  
德教或毆之以法令道之以德教者德教洽而民氣

樂歐之以法令者、法令極而民風哀、哀樂之感、禍福之應也。秦王之欲尊宗廟而安子孫、與湯武同。然而湯武廣大其德行、六七百歲而弗失。秦王治天下十餘歲、則大敗、此亡它故矣。湯武之定取舍、審而秦王之定取舍、不審矣。夫天下大器也、今人之置器、置諸安處、則安置諸危處、則危。天下之情、與器亡以異。在天子之所置之、湯武置天下於仁義禮樂、而德澤洽、禽獸草木廣裕、德被蠻貊四夷、累子孫數十世、此天下所共聞也。秦王置天下於法令刑罰、德澤亡一有



而怨毒盈於世下憎惡之如仇讐。旤幾及身子孫誅絕。此天下之所共見也。是非其明效大驗邪。人之言曰。聽言之道。必以其事觀之。則言者莫敢妄言。今或言禮誼之不如法令。教化之不如刑罰。人主胡不引殷周秦事以觀之也。人主之尊。譬如堂。羣臣如陛。衆庶如地。故陛九級上。廉遠地。則堂高。陛七級。廉近地。則堂卑。高者難攀。卑者易陵。理執然也。故古者聖王制爲等列。內有公卿大夫士。外有公侯伯子男。然後有官師小吏。延及庶人。等級分明。而天子加焉。故其

事不可及也。里諺曰：欲投鼠而忌器。此善諭也。鼠近於器，尚憚不投，恐傷其器。況於貴臣之近主乎？廉耻節禮以治君子，故有賜死而無戮辱，是以黜削之罪不及大夫，以其離主上不遠也。禮不敢齒君之路馬，撻其芻者有罰。齒謂審其齒歲見君之几杖則起，遭君之乘

車則下，入正門則趨，君之寵臣，雖或有過，刑戮之辜不加其身者，尊君之故也。此所以爲主上豫遠不敬也。所以體貌大臣而厲其節也。今自王侯三公之貴，皆天子之所改容而禮之也，古天子之所謂伯父伯



舅也而今與衆庶同黥劓剔笞偶棄市之法

偶音罵

然則堂不亡陞康被戮辱者不泰迫乎廉耻不行大臣無廼握重權大官而有徒隸亡耻之心乎夫望夷之事二世見當以重法者投鼠而不忌器之習也臣聞之履雖鮮不加於枕冠雖敝不以苴履夫嘗已在貴寵之位天子改容而體貌之矣吏民嘗俯伏以敬畏之矣今而有過帝令廢之可也退之可也賜之亦可也滅之可也若夫束縛之係縲之輸之司寇編之徒官司寇小吏詈罵而榜笞之殆非所以令衆庶見

也。夫卑賤者，習知尊貴者之一旦，吾亦廼可以加此也。非所以習天下也。非尊尊貴貴之化也。夫天子之所嘗敬，衆庶之所嘗寵，死而死耳。賤人安宜得如此而頓辱之哉？豫讓事中行之君，智伯伐而滅之，移事智伯及趙滅智伯，豫讓黥面吞炭，必報襄子。五起而不中，人間豫子，豫子曰：「中行衆人畜我，我故衆人事之。」智伯國士遇我，我故國士報之。故此一豫讓也。反君事讐，行若狗彘，已而抗節致忠，行出虜列士，人主使然也。故主上遇其大臣，如遇犬馬，彼將犬馬自爲。



也。如遇官徒，彼將官徒自爲也。頑頓亡耻。頓音鈍夷詬

亡節。

夷詬謂無志分也。夷音胡結反。

廉耻不立，且不自好苟若而可。

故見利則逝，見便則奪。主上有敗，則因而撻之矣。主

上有患，則吾苟免而已，立而觀之耳。有便吾身者，則

欺賣而利之耳。人主將何便於此？羣下至衆，而主上

至少也，所託財器職業者，粹於羣下也。

粹純也。言其執悉在羣下。

俱亡耻，俱苟妄，則主上最病。故古者禮不及庶人，刑

不至大夫，所以厲寵臣之節也。古者大臣有坐不廉

而廢者，不謂不廉，曰簠簋不飾，坐污穢，淫亂男女，亡

別者不曰污穢曰帷薄不修坐罷軟不勝任者不謂

罷軟曰下官不職故貴大臣定有其罪矣猶未斥然

正以諱之也尚遷就而為之諱也故其在大譴大何

之域者

何問也

聞譴何則白冠禿纓盤水加劔造請室

而請臯耳

請室請罪之室殺牲者以盤水取頸血故示若此也

上不執縛係引

而行也其中有中罪者聞命而自弛

弛廢也自廢而死

上不使

人頸盤而加也其有大臯者聞命則北面再拜跪而

自裁上不使粹抑而刑之也曰子大夫自有過耳吾

遇子有禮矣遇之有禮故羣臣自慙嬰以藤恥故人



矜節行、上設廉賈、禮義以遇其臣、而臣、不以節行  
其上者、則非人類也、故化成俗定、則爲人臣者、王耳  
忘身、國耳忘家、公耳忘私、利不苟就、害不苟去、唯義  
所在、上之化也、故父兄之臣、誠死宗廟、法度之臣、誠  
死社稷、輔翼之臣、誠死君上、守圉扞敵之臣、誠死城  
郭封疆、故曰聖人有金城者、此物此志也、彼且爲我  
死、故吾得與之俱生、彼且爲我亡、故吾得與之俱存  
夫將爲我危、故吾得與之皆安、顧行而忘利、守節而  
仗義、故可以託不御之權、可以寄六尺之孤、此厲廉

耻行禮誼之所致也。主上何喪焉。此之不爲。而顧彼之久行。故曰可爲長太息者此也。

此疏作七段。讀一段進言之端。二段諸侯踰制。三段削奴侮嫚。四段風俗奢靡。五段民不知禮。六段太子不早諭教。七段戮辱大臣。然本疏一痛哭二流涕。六長太息。不能盡合史之刪缺者多已。



前六日大息不引盡合中一圓期音矣

大千不早備錄小引經卷大引經本錄二錄吳二

知論數四知風谷香藥正對凡不錄聖六對

此錄非小對錄一對數言之能二對謂氣能勝三

之人於為日下為是大息者此也

與此錄前之說幾此王土何要為此之不為而更

漢書

奏議

許清胤介天

方允升本生

雲間

顧在觀觀生輯評

顧之萃宗之叅訂

勾章陳

裕廣生

陳祐天生

鼂錯

穎川人學申商刑名為人嘯直刻深文帝時為太子家令得幸太子號曰智囊

勸上教太子以術數書

人主所以尊顯功名揚於萬世之後者以知術數也。故人主知所以臨制臣下而治其衆則群臣畏服矣。知所以聽言受事則不欺蔽矣。知所以安利萬民則



海內必從矣。知所以忠孝事上。而臣子之行備矣。此四者。臣竊爲皇太子急之。人臣之議。或曰。皇太子不以知事爲也。臣之愚誠以爲不然。竊觀上世之君。不能奉其宗廟。而劫殺於其臣者。皆不知術數者也。皇太子所讀書多矣。而未深知術數者。不問書說也。夫多誦而不知其說。所謂勞苦而不爲功。臣竊觀皇太子材智高奇。馭射伎藝過人。絕遠然於術數。未有所守者。以陛下爲心也。竊願陛下幸擇聖人之術。可用今世者。以賜皇太子。因時使太子陳明於前。唯陛下

裁察

三代而下賢明之君純用術數矣若景帝直不問  
書說非能用者也

世而謂其有明之理也故楚禹有九年之水湯有七

年之旱而國亡者以書積多而備先具也今而

世而謂其有明之理也故楚禹有九年之水湯有七

年之旱而國亡者以書積多而備先具也今而

世而謂其有明之理也故楚禹有九年之水湯有七

年之旱而國亡者以書積多而備先具也今而

世而謂其有明之理也故楚禹有九年之水湯有七



太子所讀書多矣而未深知術數者不問書說也夫  
多誦而不知其意所謂勞苦而不為功臣竊觀皇天  
子書籍非誦用者也藝過人絕遠然於術數未有所  
守三升而不賀則之祿絲用辭類矣昔景帝直不問  
其察者以賜皇太子因時使太子陳明於前唯陛下

鼂錯

錯上募天下入粟拜爵

聖王在上而民不凍饑者、非能耕而食之、織而衣之也、爲開其資財之道也。故堯禹有九年之水、湯有七年之旱、而國亡捐瘠者、以畜積多而備先具也。今海內爲一、土地人民之衆、不避湯禹、加以亡天災數年之水旱、而畜積未及者、何也？地有遺利、民有餘力、生穀之土未盡墾、山澤之利未盡出也、游食之民未盡歸農也、民貧則姦邪生、貧生於不足、不足生於不農、



不農則不地著、不地著則離鄉輕家、民如鳥獸、雖有  
高城深池、嚴法重刑、猶不能禁也。夫寒之於衣、不待  
輕煖、饑之於食、不待甘旨、饑寒至身、不顧廉耻、人情  
一日不再食則饑、終歲不製衣則寒、夫腹饑不得食、  
膚寒不得衣、雖慈母不能保其子、君安能以有其民。  
哉。明主知其然也、故務民於農桑、薄賦歛、廣畜積、以  
實倉廩、備水旱、故民可得而有也。民者在上所以牧  
之、趨利如水走下、四方亡擇也。夫珠玉金銀、饑不可  
食、寒不可衣、然而衆貴之者、以上用之故也。其爲物

輕微易臧。在於把握。可以周海內。而亡饑寒之患。此  
令臣輕背其主。而民易去其鄉。盜賊有所勸。亡逃者  
得輕資也。粟米布帛。生於地。長於時。聚於力。非可一  
日成也。數石之重。中人弗勝。不爲姦邪所利。一日弗  
得而饑寒至。是故明君貴五穀。而賤金玉。今農夫五  
口之家。其服役者不下二人。其能耕者不過百畝。百  
畝之收。不過百石。春耕夏耘。秋穫冬藏。伐薪樵。治官  
府。給繇役。春不得避風塵。夏不得避暑熱。秋不得避  
陰雨。冬不得避寒凍。四時之間。亡日休息。又私自送



販賣操其奇贏日游都市

奇贏謂有餘財而蓄聚奇異之物也一說音居宜反

乘上之急所賣必倍故其男不耕耘女不蠶織衣必文采食必粱肉亡農夫之苦有什伯之得因其富厚交通王侯力過吏執以利相傾千里游敖寇盜相望乘堅策肥履絲曳縞此商人所以兼并農人農人所

以流亾者也。今法律賤商人，商人已富貴矣。尊農夫，農夫已貧賤矣。故俗之所貴，主之所賤也；吏之所卑，法之所尊也。上下相反，好惡乖迕，而欲國富法立，不可得也。方今之務，莫若使民務農而已矣。欲民務農，在於貴粟。貴粟之道，在於使民以粟爲賞罰。今募天下入粟縣官，得以拜爵，得以除罪，如此，富人有爵，農夫有錢，粟有所漂。夫能入粟以受爵，皆有餘者也。取於有餘，以供上用，則貧民之賦可損。所謂損有餘，補不足，令出而民利者也。順於民心，所補者三：一曰主



用足。二曰民賦少。三曰勸農功。今令民有車騎馬一匹者，復卒三人。車騎者，天下武備也。故爲復卒。神農之教曰：有石城十仞，湯池百步，帶甲百萬，而亡粟，弗能守也。以是觀之，粟者王者大用，政之本務。令民入粟受爵，至五大夫以上，廼復一人耳。此其與騎馬之功相去遠矣。爵者，上之祿，且出於口而亡窮。粟者，民之所種，生於地而不乏。夫得高爵與免罪，人之所甚欲也。使天下人入粟於邊，以受爵免罪，不過三歲，塞下之粟必多矣。

入粟之議發自家令坐而言之起可施行文字深  
峭敬輿出沒其中而不厭



人粟之精錄自容令坐而言之賦可獻亦文字彩

鼂錯

潁川人學申商刑名為人簡直刻深文苛時為太子家令得幸太子號曰智囊景帝卽位以為

內史言事輒聽幸傾九卿遷為御史大夫請諸侯之罪過削其支郡七國反爰盎言上誅錯上

曰我不愛一人謝天下要斬東市

上言兵事

是時匈奴疆數寇邊

錯上言兵事曰臣聞漢興以來胡虜數入邊地小入則小利大入則大利高后時再入隴西攻城屠邑毆畧畜產其後復入隴西殺吏卒大寇盜竊聞戰勝之威民氣百倍敗兵之卒沒世不復自高后以來隴西三困於匈奴矣民氣破傷亡有勝意今茲隴西之吏



賴社稷之神靈、奉陛下之明詔、和輯士卒、底厲其節、起破傷之民、以當乘勝之匈奴、用少擊衆、殺一王、敗其衆、而有大利、非隴西之民有勇怯、廼將吏之制、巧拙異也、故兵法曰、有必勝之將、無必勝之民、繇此觀之、安邊境、立功名、在於良將、不可不擇也、臣又聞用兵臨戰、合刃之急者三、一曰得地形、二曰卒服習、三曰器用利、兵法曰、丈五之溝、漸車之水、山林積石、經川丘阜、草木所在、此步兵之地也、車騎二不當一、土山丘陵、曼衍相屬、平原廣野、此車騎之地、步兵十不

當一、平陵相遠、川谷居間、仰高臨下、此弓弩之地也。  
短兵百不當一、兩陳相近、平地淺草、可前可後、此長  
戟之地也。劒楯三不當一、萑葦竹蕭、草木蒙籠、支葉  
茂接、此矛鏃之地也。長戟二不當一、曲道相伏、險阨  
相薄、此劒楯之地也。弓弩三不當一、士不選練、卒不  
服習、起居不精、動靜不集、趨利弗及、避難不果、前擊  
後解、與金鼓之音相失、此不習勒卒之過也。百不當  
十、兵不完利、與空手同。甲不堅密、與袒裼同。弩不可  
以及遠、與短兵同。射不能中、與亡矢同。中不能入、與



亡鏃同。此將不省兵之禍也。五不當一。故兵法曰。器械不利。以其卒予敵也。卒不可用。以其將予敵也。將不知兵。以其主予敵也。君不擇將。以其國予敵也。四者兵之至要也。臣又聞小大異形。彊弱異執。險易異備。夫卑身以事彊。小國之形也。合小以攻大。敵國之形也。以蠻夷攻蠻夷。中國之形也。今匈奴地形技藝。與中國異。上下山阪。出入溪澗。中國之馬弗與也。險道傾仄。且馳且射。中國之騎弗與也。風雨罷勞。饑渴不困。中國之人弗與也。此匈奴之長技也。若夫平原

易地、輕車突騎、則匈奴之衆、易撓亂也。勁弩長戟、射

疏及遠、則匈奴之衆、弗能格也。堅甲利刃、長短相雜、

遊弩往來、什伍俱前、則匈奴之兵、弗能當也。材官騶

發、矢道同的。

騶音馬、騶之、騶射者、騶發其用、矢者、同中一的、言其工妙也。

則匈奴

之革、筍木薦、弗能支也。

革、筍以皮作如簠者、被之木薦以木板作如櫓。

下馬

地、闐、劒戟相接、去就相薄、則匈奴之足、弗能給也。此

中國之長技也。以此觀之、匈奴之長技三、中國之長

技五。陛下又興數十萬之衆、以誅數萬之匈奴、衆寡

之計、以一擊十之術也。雖然、兵、內器、戰、危事也。以大



漢書  
三  
爲小以疆爲弱在俛仰之間耳。夫以人之所爭勝、跌而不振、則悔之亡及也。帝王之道、出於萬全。今降胡義渠蠻夷之屬來歸、誼者其衆數千、飲食長技、與匈奴同、可賜之堅甲絮衣、勁弓利矢、益以邊郡之良騎、令明將能知其習俗、和輯其心者、以陛下之明、約將之、卽有險阻、以此當之、平地通道、則以輕車材官制之、兩軍相爲表裏、各用其長技、衡加之以衆、此萬全之術也。

二事兵家常法、以蠻夷攻蠻夷、奇妙超遠、孫臏不

能到

古語世急務

昔者北攻胡虜，南攻揚州，此成季之  
功也。而攻胡虜，非以衛邊地而然，民  
也。此食民之功也。而天下之民，起兵而不知  
其利，則人貪，則爭，則禍。夫胡虜之地，積谷之  
也。今之天下，本乎天，天與人，而欲隨其入，亦  
其利也。其利在夷，而胡虜之地，少於  
其利也。其利在夷，而胡虜之地，少於



今以強為弱在德學之間其所以人之水乎  
不此明命之士及也帝王之道出於萬全今齊  
在樂善人之德求歸德者其聚斂乎然會長技與  
以同手賜之堅甲絮其勁方利矢益以邊郡之良騎  
卒明將能知其習俗知輻其心者以陛下之明將何  
之耶有陰謀以此當之手地通道則以輕車耳有則  
以重軍相為憂矣各用其長技而加之以學此善人  
之術也

趙隆其家官法以毀夷及變處奇妙趣遠語莫不

鼯

言當世急務

臣聞秦時北攻胡貉、築塞河上、南攻揚粵、置戍卒焉。其起兵而攻胡粵者、非以衛邊地而救民死也、貪戾而欲廣大也、故功未立而天下亂。且夫起兵而不知其執、戰則爲人禽。屯則卒積、死夫胡貉之地、積陰之處也。木皮三寸、水厚六尺、食肉而飲酪、其人密理、鳥獸毳毛。密理謂其肌肉毳細毛也。其性能寒。能讀曰耐。揚粵之地、少陰多陽、其人疏理、鳥獸希毛、其性能暑。秦之戍卒不能



其水土戍者死於邊輸者僨於道秦民見行如往棄  
市因以謫發之名曰謫戍先發吏有謫及贅壻買人  
後以嘗有市籍者又後以大父母父母嘗有市籍者  
後入閭取其左秦時復除者居閭之左發之不順行者深恐有

背畔之心凡民守戰至死而不降北者以計爲之也  
故戰勝守固則有拜爵之賞攻城屠邑則得其財鹵  
以富家室故能使其衆蒙矢石赴湯火視死如生今  
秦之發卒也有萬死之害而亡銖兩之報死事之後  
不得一算之復天下明知禍烈及已也陳勝行戍至

於大澤爲天下先倡，天下從之如流水者，秦以威劫而行之之敝也。胡人衣食之業，不著於地，其孰易以擾亂？邊竟何以明之？胡人食肉飲酪，衣皮毛，非有歲郭田宅之歸，居如飛鳥，走獸於廣漠，美草甘水則止，草盡水竭則移，以是觀之，往來轉徙，時至時去，此胡人之生業。而中國之所以離南晦也。今使胡人數處轉牧，行獵於塞下，或當燕代，或當上郡，北地隴西以候備塞之卒，卒少則入，陛下不救，則邊民絕望而有降敵之心。救之少發，則不足多發，遠縣纔至，則胡又



已去聚而不罷爲費甚大罷之則復入如此連年則中國貧苦而民不安矣陛下幸憂邊境遣將吏發卒

以治塞甚大惠也然令遠方之卒守塞一歲而更不

知胡人之能不如選常居者家室固作且以備之以

便爲之高城深塹具蘭石布渠荅渠荅鐵蒺藜也蘭石城上雷石也

復爲一城其內城間百五十步要害之處通川之道

調立城邑毋下千家調謂算度之也爲中周虎落虎落者外蕃也先

爲室屋具田器廼募舉人及免徒復作令居之不足

募以丁奴婢贖舉及輸奴婢欲以拜爵者不足廼募

民之欲往者、皆賜高爵復其家、予冬夏衣廩食、能自給而止。郡縣之民得買其爵以自增至卿、其亡夫若妻者、縣官買予之、人情非有匹敵、不能久安其處。塞下之民、祿利不厚、不可使久居危難之地。胡人入驅而能止其所驅者、以其半予之。縣官爲贖、此承上句之言謂官爲備價其民如是、則邑里相救助、赴胡不避死、非以德上也。欲全親戚而利其財也、此與東方之戍卒、不習地勢而心畏胡者、功相萬也。以陛下之時、徙民實邊、使遠方亡屯戍之事、塞下之民父子相保、亡係虜



之患。利施後世。名稱聖明。其與秦之行怨民。相去遠矣。

計謀之出。前聖未及。前聖永遵斯奇材矣。此書遂爲虎山王吳萬世之祖。

鼂錯

復言塞下

上從錯言募民徙塞下錯復言

陛下幸募民相徙以實塞下。使屯戍之事益省。輸將之費益寡。甚大惠也。下吏誠能稱厚惠。奉明法。存卹所徙之老弱。善遇其壯士。和輯其心。而勿侵刻。使先至者安樂而不思故鄉。則貧民相募而勸往矣。臣聞古之徙遠方。以實廣虛也。相其陰陽之和。嘗其水泉之味。審其土地之宜。觀其山木之饒。然後營邑立城。製里割宅。通田作之道。正阡陌之界。先爲築室。家有



一堂二內門戶之閉。置器物焉。民至有所居。作有所用。此民所以輕去故鄉。而勸之新邑也。之往也。爲置醫

巫以救疾病。以修祭祀。男女有昏生歿。相卹墳墓。相

從。種樹畜長。室屋完安。此所以使民樂其處。而有長

居之心也。臣又聞古之制邊縣以備敵也。使五家爲

伍。伍有長。十長一里。里有假士。四里一連。連有假五

百。假音假借之假。五百帥名也。十連一邑。邑有假。侯皆擇其邑之

賢材有護。有保護之能者也。習地形。知民心者。居則習民於

射法。出則教民於應敵。故卒伍成於內。則軍正定於

外服習以成。勿令遷徙。幼則同遊。長則共事。夜戰聲  
相知。則足以相救。晝戰目相見。則足以相識。驩愛之  
心。足以相死。如此而勸以厚賞。威以重罰。則前死不  
還踵矣。所徙之民。非壯有材力。但費衣糧。不可用也。  
雖有材力。不得良吏。猶亡功也。陛下絕匈奴。不與和  
親。臣竊意其冬來南也。壹大治。則終身創矣。欲立威  
者。始於折膠。來而不能困。使得氣去。後未易服也。

如身至塞下。區處徙民。如身在戰陣。踴躍赴虜。可  
想家令得意處。



✓

南粵王

趙佗真定人二世時爲龍川令秦滅佗自立爲南粵王

去帝號上書

陸賈至南粵王頓首謝下令國中去帝制因爲書

蠻夷大長老夫臣佗昧死再拜上書皇帝陛下。老夫故粵吏也。高皇帝幸賜臣佗璽以爲南粵王。使爲外臣。時內貢職。孝惠皇帝卽位。義不忍絕。所以賜老夫者厚甚。高后自臨用事。近細士信讒臣。別異蠻夷。出令曰。毋予蠻夷外粵金鐵田器馬牛羊。卽予。予牡。毋與牝。老夫處辟。馬牛羊齒已長。自以祭祀不修。有死罪。使內史藩。中尉高。御史平。凡三輩上書謝過。皆不



反。又風聞老夫父母墳墓已壞削。兄弟宗族已誅論。吏相與議曰。今內不得振於漢。外亡以自高異。故更號爲帝。自帝其國。非敢有害於天下也。高皇后聞之。大怒。削去南粵之籍。使使不通。老夫竊疑長沙王讒臣。故敢發兵以伐其邊。且南方卑溼。蠻夷中西有西甌。其衆半羸。羸謂劣弱也南面稱王。東有閩粵。其衆數千。

人。亦稱王。西北有長沙。其半蠻夷。亦稱王。老夫故敢妄竊帝號。聊以自娛。老夫身定百邑之地。東西南北數千萬里。帶甲百萬有餘。然北面而臣事漢。何也。不

敢背先人之故。老夫處粵四十九年。于今抱孫焉。然夙興夜寐。寢不安席。食不甘味。目不視靡曼之色。耳不聽鐘鼓之音者。以不得事漢也。今陛下幸哀憐。復故號。通使漢如故。老夫歿骨不腐。改號不敢爲帝矣。謹北面因使者獻白璧一雙。翠鳥干。犀角十。紫貝五百。桂蠹一器。生翠四十雙。孔雀二雙。昧死再拜以聞。皇帝陛下。

佗亦識時務之俊傑也。





董仲舒

廣川人少治春秋下帷講訟三年不窺園武帝卽位以爲江都相公孫弘治春秋不如仲舒而希世用事仲舒嫉之弘上言使相膠西王病免年老壽終于家

賢良策對一

陛下發德音下明詔求天命與情性皆非愚臣之所能及也臣謹按春秋之中視前世已行之事以觀天人相與之際甚可畏也國家將有失道之敗而天廼先出灾害以譴告之不知自省又出怪異以警懼之尚不知變而傷敗廼至以此見天心之仁愛人君而欲止其亂也自非大亾道之世者天盡欲扶持而全



安之事。在彊勉而已矣。彊勉學問。則聞見博而知益明。彊勉行道。則德日起而大有功。此皆可使遠至而

立有效者也。

還讀曰旋

詩曰。夙夜匪懈。書云。茂哉茂哉。皆

彊勉之謂也。道者。所繇適於治之路也。仁義禮樂皆其具也。故聖王已沒。而子孫長久安寧數百歲。此皆禮樂教化之功也。王者未作樂之時。廼用先王之樂。宜於世者。而以深入教化於民。教化之情不得。雅頌之樂不成。故王者功成作樂。樂其德也。樂者所以變民風化民俗也。其變民也易。其化人也著。故聲發於

和而本於情、接於肌膚、滅於骨髓、故王道雖微、缺而  
筦絃之聲未衰也。夫虞氏之不爲政久矣、然而樂雅  
遺風猶有存者、是以孔子在齊而聞韶也。夫人君莫  
不欲安存而惡危亾、然而政亂國危者甚衆、所任者  
非其人、而所繇者非其道、是以政日以什滅也。夫周  
道衰於幽厲、非道亾也、幽厲不繇也、至於宣王、思昔  
先王之德、興滯補弊、明文武之功業、周道粲然復興、  
詩人美之而作、上天祐之、爲生賢佐、後世稱頌、至今  
不絕、此夙夜不解、行善之所致也。孔子曰、人能弘道、



非道弘人也。故治亂廢興在於已，非天降命不可得。反其所操持，悖謬失其統也。臣聞天之所大奉使之王者，必有非人力所能致而自至者，此受命之符也。天下之人同心歸之，若歸父母，非天瑞應誠而至書曰：白魚入于王舟，有火復于王屋，流爲鳥，此蓋受命之符也。周公曰：復哉復哉。孔子曰：德不孤，必有隣，皆積善衆德之效也。及至後世，淫佚衰微，不能統理，群生諸侯，背畔殘賊，良民以爭壤土，廢德教而任刑罰，刑罰不中，則生邪氣，邪氣積於下，怨惡畜於上，上下

不和、則陰陽繆繇、而妖孽生矣、此災異所緣而起也。  
臣聞命者、天之令也、性者、生之質也、情者、人之欲也。  
或夭或壽、或仁或鄙、陶冶而成之、不能粹美、有治亂  
之所生、故不齊也。孔子曰、君子之德風也、小人之德  
草也、草上之風、必偃、故堯舜行德、則民仁壽、桀紂行  
暴、則民鄙夭。夫上之化下、下之從上、猶泥之在鈞、唯  
甄者之所爲、猶金之在鎔、唯冶者之所鑄、綏之斯徠、  
動之斯和、此之謂也。臣謹案春秋之文、求王道之端、  
得之於正。謂正也正次王、王次春、春者、天之所爲也。正



者○王○之○所○爲○也○其○意○曰○上○承○天○之○所○爲○而○下○以○正○其○  
所○爲○正○王○道○之○端○云○爾○然○則○王○者○欲○有○所○爲○宜○求○其○  
端○於○天○天○道○之○大○者○在○陰○陽○陽○爲○德○陰○爲○刑○刑○主○殺○  
而○德○主○生○是○故○陽○常○居○大○夏○而○以○生○育○養○長○爲○事○陰○  
常○居○大○冬○而○積○於○空○虛○不○用○之○處○以○此○見○天○之○任○德○  
不○任○刑○也○天○使○陽○出○布○施○於○上○而○主○歲○功○使○陰○入○伏○  
於○下○而○時○出○佐○陽○陽○不○得○陰○之○助○亦○不○能○獨○成○歲○終○  
陽○以○成○歲○爲○名○此○天○意○也○王○者○承○天○意○以○從○事○故○任○  
德○教○而○不○任○刑○刑○者○不○可○任○以○治○世○猶○陰○之○不○可○任○



以成歲也。爲政而任刑，不順于天。故先王莫之肯爲也。今廢先王德教之官，而獨任執法之吏治民，毋乃在刑之意與？孔子曰：「不教而誅，謂之虐。」虐政用於下，而欲德教之被四海，故難成也。臣謹案春秋謂一元之意，隱公始卽位，何不稱一者，萬物之所從始也。元者，辭之所謂大也。易稱元者善之長也。故曰辭之所謂大也。謂一爲元者，視大始而欲正本也。春秋深探其本，而反自貴者始，故爲人君者，正心以正朝廷，正朝廷以正百官，正百官以正萬民，以正四方，四方正，遠近莫敢不



豈於正而亾有邪氣奸其間者。是以陰陽調而風雨  
時羣生和而萬民殖。五穀熟而草木茂。天地之間被  
潤澤而大豐美。四海之內聞盛德而皆徠臣。諸福之  
易可致之祥莫不畢至。而王道終矣。孔子曰。鳳鳥不  
至。河不出圖。吾已矣夫。自悲可致此物而身卑賤不  
得致也。今陛下貴爲天子。富有四海。居得致之位。操  
可致之勢。又有能致之資。行高而恩厚。知明而意美。  
愛民而好士。可謂諗主矣。然而天地未應。而美祥莫  
至者。何也。凡以教化不立而萬民不正也。夫萬民之



從利也。如水之走下，不以教化隄防之，不能止也。是故教化立而奸邪皆止者，其隄防完也；教化廢而奸邪並出，刑罰不能勝者，其隄防壞也。古之王者，明于此是故南面而治天下，莫不以教化爲大務。立太學以教於國，設庠序以化于邑，漸民以仁，摩民以誼，節民以禮，故其刑罰甚輕而禁不犯者，教化行而習俗美也。聖王之繼亂世也，掃除其迹而悉去之，復脩教化而崇起之，教化已明，習俗已成，子孫循之，行五六百歲尚未敗也。至周之末世，大爲亾道，以失天下，秦



繼其後、獨不能改、又益甚之、重禁文學、不得挾書、棄  
捐禮、諡而惡聞之、其心欲盡滅先聖之道、而顓爲自  
恣、苟簡之治、故立爲天子十四歲、而國破亡矣、自古  
以來、未嘗有以亂濟亂、大敗天下之民、如秦者也、其  
遺毒餘烈、至今未滅、使習俗薄惡、人民嚚頑、抵冒殊  
枿、孰爛如此之甚者也、孔子曰、腐朽之木不可彫也、  
糞土之牆不可圻也、今漢繼秦之後、如朽木糞牆矣、  
雖欲善治之、亡可奈何、法出而姦生、令下而詐起、如  
以湯止沸、抱薪救火、愈甚亡益也、竊譬之琴瑟不調、



甚者必解而更張之乃可鼓也爲政而不行甚者必  
變而更化之乃可理也當更張而不更張雖有良工  
不能善調也當更化而不更化雖有大賢不能善治  
也故漢得天下以來常欲善治而至今不可善治者  
失之於當更化而不更化也古人有言曰臨淵羨魚  
不如退而結網今臨政而願治七十餘歲矣不如退  
而更化更化則可善治善治則灾害日去福祿日來  
詩云宐民宐人受祿于天爲政而宐于民者固當受  
祿于天夫仁誼禮知信五常之道王者所當修飾也



五者修飾故受天之祐而享鬼神之靈德施于方外  
延及群生也。

不舒展不聯屬此條對之悉也卽晁家令不能免此文無之

不計善隨也。尚與外而不更外。繼有大視不計善。欲  
變而更外之。又下堅也。當更衆而不更衆。繼有良工  
甚者。必賴而更衆之。又下勉也。必知而不計甚。亦必

董仲舒

賢良策對

臣聞論語曰有始有卒者其唯聖人乎今陛下幸加  
惠留聽於承學之臣

言轉承師說而學之

復下明冊以切其意

而究盡聖德非愚臣之所能具也前所上對條貫靡  
竟統紀不終辭不別白指不分明此臣淺陋之罪也  
冊曰善言天者必有徵於人善言古者必有驗於今  
臣聞天者羣物之祖也故編覆包函而無所殊建日  
月風雨以和之經陰陽寒暑以成之故聖人法天而



立道亦溥愛而亡私，布德施仁以厚之。設誼立禮以導之。春者，天之所以生也；仁者，君之所以愛也。夏者，天之所以長也；德者，君之所以養也。霜者，天之所以殺也；刑者，君之所以罰也。繇此言之，天人之徵，古今之道也。孔子作春秋，上揆之天道，下質諸人情，參之於古，考之於今，故春秋之所譏、災害之所加也。春秋之所惡、怪異之所施也。書邦家之過，兼災異之變，以此見人之所爲，其美惡之極，乃與天地流通而往來相應。此亦言天之一端也。古者修教訓之官，務以惠

善化民民已大化之後天下常亡一人之獄矣今世  
廢而不修亡以化民民以故棄行誼而死財利是以  
犯法而罪多一歲之獄以萬千數以此見古之不可  
不用也故春秋變古則譏之天令之謂命命非聖人  
不行貨樸之謂性性非教化不成人欲之謂情情非  
制度不節是故王者上謹於承天意以順命也下務  
明教化民以成性也正法度之宜別上下之序以防  
欲也修此三者而大本舉矣人受命于天故超然異  
於群生入有父子兄弟之親出有君臣上下之誼會



聚相遇則有耆老長幼之施粲然有文以相接矐然有恩以相愛此人之所以貴也生五穀以食之桑麻以衣之六畜以養之服牛乘馬圉豹檻虎是其得天之靈貴於物也故孔子曰天地之性人爲貴明於天性知自貴於物知自貴於物然後知仁誼知仁誼然後重禮節重禮節然後安處善安處善然後樂循理然後謂之君子故孔子曰不知命亡以爲君子此之謂也周曰上嘉唐虞下悼桀紂寢微寢濞寢明寢昌之道虛心以改臣聞聚少成多積小致鉅故

聖人莫不以晦致明、以微致顯、是以堯發于諸侯、舜  
興乎深山、非一日而顯也、蓋有漸以致之矣、言出於  
已、不可塞也、行發於身、不可掩也、言行治之大者、君  
子之所以動天地也、故盡小者大、慎微者著、詩云、惟  
此文王、小心翼翼、故兢兢日行其道、而舜業業日  
致其孝、善積而名顯、德章而身尊、此其寔明寔昌之  
道也、積善在身、猶長日加益、而人不知也、積惡在身、  
猶人之銷膏、而人不見也、非明厚情性、察乎流俗者、  
孰能知之、此唐虞之所以得令名、而桀紂之可爲悼



懼者也。夫善惡之相從，如景鄉之應形聲也。故桀紂暴謾，讒賤竝進，賢知隱伏，惡日顯國，日亂晏然，自以如日在天，終陵夷而大壞。夫暴逆不仁者，非一日而亡也，亦以漸至，故桀紂雖亡道，然猶享國十餘年，此其寢微寢滅之道也。冊曰：三王之教，所祖不同而皆有失，或謂久而不易者道也，意豈異哉！臣聞夫樂而不亂，復而不厭者，謂之道。道者，萬世亡弊。弊者，道之失也。先王之道，必有偏而不起之處，故政有眊而不行，舉其偏者以補其弊而已矣。三王之道，所祖不同。

非其相反將以救溢扶衰所遭之變然也故孔子曰  
亡爲而治者其舜乎改正朔易服色以順天命而已  
其餘盡循堯道何更爲哉故王者有改制之名亡變  
道之實然夏尚忠殷尚敬周尚文者所繼之祿當用  
此也孔子曰殷因於夏禮所損益可知也周因於殷  
禮所損益可知也其武繼周者雖百世可知也此言  
百王之用以此三者矣夏因於虞而獨不言所損益  
者其道如一而所上同也道之大原出於天天不變  
道亦不變是以禹繼舜舜繼堯三聖相受而守一道



亡救弊之政故不言其所損益也。繇是觀之繼治世者其道同繼亂世者其道變。今漢繼大亂之後若宜少損周之文致。致至極也用夏之忠者陛下有明德嘉道。

愍世俗之靡薄悼王道之不昭故舉賢良方正之士論誼考問將欲興仁誼之休德明帝王之法制建太平之道也。臣愚不肖述所聞誦所學道師之言。屢能勿失爾。若迺諭政事之得失察天下之息耗此大臣輔佐之職三公九卿之任非臣仲舒所能及也。然而臣竊有怪者夫古之天下亦今之天下今之天下亦

古之天下。共是天下。古亦大治。上下和睦。習俗美盛。不令而行。不禁而止。吏亡奸邪。民無盜賊。囹圄空虛。德潤草木。澤被四海。鳳凰來集。麒麟來游。以古集今。一何不相逮之遠也。安所繆繆而陵夷若是。意者有所失於古之道與。有所詭於天之理與。試迹之古。返之於天。可黨得見乎。夫天亦有所分予。予之齒者。去其角。傳其翼者。兩其足。是所受大者。不得取小也。古之所予祿者。不食于力。不動于末。是亦受大者。不得取小與天同意者也。夫已受大。又取小。天不能足。而



況人孱。此民之所以囂囂苦不足也。身寵而載高位。家溫而食厚祿。因乘富貴之資力。以與民爭利於下。民安能如之哉。是故衆其奴婢。多其牛羊。廣其田宅。博其產業。畜其積委。務此而亡已。以迫蹙民。民日削月朘。寢以大窮。富者奢侈羨溢。貧者窮急愁苦。窮急愁苦而上不救。則民不樂生。民不樂生尚不避死。安能避罪。此刑罰之所以蕃。而奸邪不可勝者也。故受祿之家。食祿而已。不與民爭業。然後利可均布。而民可家足。此上天之理。而亦大古之道。天子之所宜法。

以爲制、大夫之所當循、以爲所也。故公儀子相魯、之  
其家見織帛、怒而出其妻、食於舍而茹葵、慍而拔其  
葵、曰、吾已食祿、又奪園夫紅女利、辱古之賢人、君子  
在列位者皆如是、是故下高其行、而從其教、民化其  
廉而不貪鄙、及至周室之衰、其卿大夫緩於誼而急  
於利、亡推讓之風、而有爭田之訟、故詩人疾而刺之、  
曰、節彼南山、惟石巖巖、赫赫師尹、民具爾瞻、爾好誼、  
則民鄉仁、而俗善、爾好利、則民好邪、而俗敗、由是觀  
之、天子大夫者、下民之所視效、遠方之所四面、而內



之天子大夫皆不用之也。厥效衰亡之夜四面而內  
 則以飛斗而卻善爾。故陳以男故狎而卻。以山景  
 曰。酒。如南山。對。五。蠱。蠱。赫。赫。昭。氏。男。具。爾。爾。爾。故。當  
 然。陳。子。華。難。之。風。而。亦。年。田。之。結。故。特。人。來。而。降。之  
 蕭。而。不。貪。禍。又。至。周。室。之。衰。其。嚙。大。夫。難。故。出。而。急  
 去。故。立。青。背。收。其。其。姑。不。高。其。行。而。致。其。終。又。外。其  
 葵。曰。吾。日。食。新。又。奪。園。夫。路。女。陳。羣。古。之。賢。人。吾。千  
 其。寒。良。難。帛。然。而。出。其。妻。會。然。舍。而。故。葵。盟。而。對。其  
 則。爲。歸。大。夫。之。也。當。辭。以。爲。也。也。故。公。謝。于。時。皆。之

同是以士女以耕一絲者。歸。婦。嬖。嬖。不。味。海。中。日。出。  
古今之通。蓋也。今。朝。異。並。入。異。歸。百。家。叔。衣。計。意。不。  
林。之。卧。魯。子。可。為。青。矣。春。好。大。一。絲。者。天。與。之。常。盛。  
出。歸。必。至。也。若。是。子。之。計。當。子。之。計。限。舍。公。難。  
小。人。之。事。也。此。言。出。子。之。計。而。為。人。之。計。者。其。  
也。其。日。員。且。乘。廷。至。乘。車。者。子。之。計。也。員。辭。者。  
人。之。意。也。皇。皇。來。子。義。常。恐。不。能。外。因。其。大。夫。之。意。  
之。計。而。為。人。之。計。者。夫。皇。皇。來。相。既。常。恐。之。四。者。其。  
望。也。此。言。既。而。效。之。義。者。望。而。效。之。豈。可。以。其。賀。人。



望也。近者視而放之、遠者望而効之、豈可以居賢人之位而爲庶人行哉。夫皇皇求財利、常恐乏匱者、庶人之意也。皇皇求仁義、常恐不能化民者、大夫之意也。易曰、負且乘、致寇至。乘車者、君子之位也、負擔者、小人之事也。此言居君子之位、而爲庶人之行者、其患禍必至也。若居君子之位、當君子之行、則舍公儀休之相魯、亡可爲者矣。春秋大一統者、天地之常經、古今之通誼也。今師異道、人異論、百家殊方、指意不同。是以上亡以持一統、法制數變、下不知所守。臣愚

以爲諸不在六藝之科孔子之術者皆絕其道勿使  
並進邪辟之說滅息然後統紀可一而法度可明民  
知所從矣

講道學於漢後易講道學於漢時難少所祖述也  
性命之指勉彊之說實自董子創發至于罷黜百  
家以尊孔子表章六藝以滅邪說豈非孟子之後  
一人



此道者明而然之。道者聖而然之。豈可以泛而論之。  
泛而論之。則人皆曰。夫是聖也。則聖也。是則者。聖  
人一人也。有是是也。有非非也。不若此也。此者。夫大之也。

宋以尊下。千。宋章六。蘇以。蘇。蘇。豈非。孟子。六。蘇。  
升命之。蘇。蘇。蘇。蘇。實自。董。千。千。千。千。千。千。千。千。  
蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。  
蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。

蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。  
蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。  
蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。  
蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。蘇。

董仲舒

說上限民名田

古者稅民不過什一。其求易共。使民不過三日。其力易足。民財內足以養老盡孝。外足以事上共稅。下足以畜妻子極愛。故民說從上。至秦則不然。用商鞅之法。改帝王之制。除井田。民得賣買。富者田連阡陌。貧者亡立錐之地。又鰥川澤之利。管山林之饒。荒淫越制。踰侈以相高。邑有人君之尊。里有公侯之富。小民安得不困。又加月爲更卒。已復爲正。一歲屯戍。一歲



力役三十倍於古。

更卒謂給郡縣一月而更者也。正卒謂給中都官者也。率計今人一

歲之中屯戍及力役之事三十倍多於古也。

田租口賦鹽鐵之利二十倍

於古。或耕豪民之田。見稅什五。故貧民常衣牛馬之

衣。而食犬彘之食。重以貪暴之吏。刑戮妄加。民愁亡

聊。亡逃山林。轉爲盜賊。赭衣半道。斷獄歲以千萬數。

漢興循而未改。古井田法雖難卒行。宜少近古。限民

名田。以贍不足。塞并兼之路。鹽鐵皆歸於民。去奴婢。

除專殺之威。薄賦斂。省繇役。以寬民力。然後可善治

也。

董仲舒

火災對

武帝建元六年六月遼東高廟災四月高園便殿火

董仲舒對曰。春秋之道。舉往以明來。是故天下有物。視春秋所舉與同比者。精微眇以存其意。通倫類以貫其理。天地之變。國家之事。粲然皆見。亾所疑矣。按春秋魯定公哀公時。季氏之惡已孰。而孔子之聖方盛。夫以盛聖而易孰惡。季孫雖重。魯君雖輕。其孰可成也。故定公二年五月雨。觀災。兩觀僭禮之物。天災之者。若曰。僭禮之臣。可以去已。見臯徵而後告。可去。



此天意也。定公不知省。至哀公三年五月，桓公釐宮災。二者同事，所爲一也。若曰：燔貴而去不義云爾。哀公未能見，故四年六月，亳社災。兩觀桓釐廟亳社，四者皆不當立。天皆燔其不當立者，以示魯欲其去亂臣而用聖人也。季氏亾道久矣，前是天不見災者，魯未有賢聖臣。雖欲去季孫，其力不能。昭公是也。至定哀廼見之，其時可也。不時不見，天之道也。今高廟不當居遼東，高園殿不當居陵旁。於禮亦不當立。與魯所災同，其不當立久矣。至於陛下時，天廼災之者，始。

亦其時可也。昔秦受亡周之敝而亡以化之。漢受亡秦之敝又亡以化之。夫繼二敝之後承其下流兼受其猥難治甚矣。又多兄弟親戚骨肉之連驕揚奢侈恣睢者衆所謂重難之時者也。陛下正當大敝之後又遭重難之時甚可憂也。故天災若語陛下當今之世雖敝而重難非以太平至公不能治也。視親戚貴屬在諸侯遠正最甚者忍而誅之。如吾燔遼東高廟廼可。視近臣在國中處劾及貴而不正者忍而誅之。如吾燔高園殿廼可。云爾。在外而不正者雖貴如



高廟猶災燔之況諸侯乎在內不正者雖貴如高園  
殿猶燔災之況大臣乎此天意也臯在外者天災外  
臯在內者天災內燔甚臯當重燔簡臯當輕承天意  
之道也

漢世重災異董仲舒京房劉向父子馳騁穿貫曲  
驚其說雖于道有未合莫不可驚可喜愈引愈奇  
此對又其明白洞達卓然可訓者也

公孫弘

留川人家貧牧豕海上年四十餘乃學武帝初招賢良文學弘年六十以博士使匈奴還報不合意免歸元光五年復徵對策擢第一

賢良策對

弘對曰臣聞上古堯舜之時不貴爵賞而民勸善不重刑罰而民不犯躬率以正而遇民信也末世貴爵厚賞而民不勸深刑重罰而姦不止其上不正遇民不信也夫厚賞重刑未足以勸善而禁非必信而已矣是故因能任官則分職治去無用之言則事情得不作無用之器則賦歛省不奪民時不妨民力則百



姓富、有德者進、無德者退、則朝廷尊、有功者上、無功

者下、則羣臣遠、

言有次第也

罰當罪、則姦邪止、賞當賢、則

臣下勸、凡此八者、治民之本也、故民者、業之則不爭、

理得則不怨、有禮則不暴、愛之則親、上此有天下之

急者也、故法不遠義、則民服而不離、和不遠禮、則民

親而不暴、故法之所罰、義之所去也、利之所賞、禮之

所取也、禮義者、民之所服也、而賞罰順之、則民不犯

禁矣、故畫衣冠、異章服、而民不犯者、此道素行也、臣

聞之、氣同則從、聲比則應、今人主和德於上、百姓和

合於下。故心和。則氣和。氣和。則形和。形和。則聲和。聲和。則天地之和應矣。故陰陽和。風雨時。甘露降。五穀登。六畜蕃。嘉禾興。朱草生。山不童。澤不涸。此和之至也。故形和。則無疾。無疾。則不夭。故父不喪子。兄不哭弟。德配天地。明竝日月。則麟鳳至。龜龍在郊。河出圖。洛出書。遠方之君。莫不說義。奉幣而來朝。此和之極也。臣聞之。仁者愛也。義者宜也。禮者所履也。智者術之原也。致利除害。兼愛無私。謂之仁。明是非。立可否。謂之義。進退有度。尊卑有分。謂之禮。擅殺生之柄。通



壅塞之塗、權輕重之數、論得失之道、使遠近情僞、必  
見於上、謂之術、凡此四者、治之本、道之用也、皆當設  
施、不可於也、得其要、則天下安樂、法設而不用、不得  
其術、則主蔽於上、官亂於下、此事之情、屬統攝業之  
本也、臣聞天賦鴻水、使禹治之、未聞禹之有水也、若  
水旱則桀之餘烈也、桀紂行惡、受天之罰、禹湯積  
德、以王天下、因此觀之、天德無私、親順之和、起逆之  
禍、生此天文地理人事之紀、臣弘愚戇、不足以奉大  
對。

雖無奇謀高論然體自峻潔不知者當以爲乎平  
武皇帝真具眼耳



其新州王藏於土室祖於五此  
本此也天賦聰明不使斯治之  
可也則其之餘烈也然則行受  
天下因此順之天德無私親順  
而瓦皇帝其具耶耳  
雖無音指高倫然雖自刻禁不  
味音當以爲平

廷尉信

吏坐臧議

景元年七月詔曰吏受食免重受財物賤買貴

盜臨以飲輕廷尉

與丞相更議著令

廷尉信謹與丞相議曰吏及諸有秩受其官屬所監

所治所行所將

行謂按察也

其與飲食計償費勿論它物

若買故賤賣故貴皆坐臧為盜沒入臧縣官吏遷徙

免罷受其故官屬所將監治送財物奪爵為士伍免

之

有爵者奪之使為士伍有位者免官也

無爵罰金二斤令沒入所受

有能捕告昇其所受賊



漢法刻深始於景帝然以自敗貪亦不爲過

漢書



有司

不舉孝廉者議

元朔元年詔曰興廉舉孝廉幾成風二千石博士議不舉者罪

有司奏議曰古者諸侯貢士壹適謂之好德再適謂之賢賢三適謂之有功廼加九錫不貢士壹則黜爵再則黜地三則黜爵地畢矣夫附下罔上者死附上罔下者刑與聞國政而無益于民者斥在上位而不能進賢者退此所以勸善黜惡也今詔書昭先帝聖緒令二千石舉孝廉所以化元元移風易俗也不舉孝不奉詔當以不敬論不察廉不勝任也當免







